

INFORMACIJA O RADU 2009



**TUŽILAŠTVO-TUŽITELJSTVO
BOSNE I HERCEGOVINE**

**ТУЖИЛАШТВО
БОСНЕ И ХЕРЦЕГОВИНЕ**

**PROSECUTOR'S OFFICE OF
BOSNIA AND HERZEGOVINA**

Bosna i Hercegovina
Tužilaštvo BiH
Kraljice Jelene 88
Sarajevo

Tel: +387 33 707 100

Fax: +387 33 707 463

E-mail: info@tuzilastvobih.gov.ba

SADRŽAJ

1. UVOD	4
1.1. OSNOVNA OBILJEŽJA	4
1.2. UNUTRAŠNJA ORGANIZACIJA	4
1.3. KADROVSKA OSPOSOBLJENOST	5
1.3.1. OPĆE NAZNAKE	5
1.3.2. DOMAĆI KAPACITETI	6
1.3.3. PODRŠKA UREDA REGISTRARA	6
1.4. OZNAKE UPISNIKA	7
2. ODJELI TUŽILAŠTVA BOSNE I HERCEGOVINE	8
2.1. ODJEL I (POSEBNI ODJEL ZA RATNI ZLOČIN).....	8
2.1.1. UČEŠĆE MEĐUNARODNIH TUŽILACA U RADU ODJELA I NAKON 2009. GODINE.....	8
2.1.2. IMPLEMENTACIJA DRŽAVNE STRATEGIJE ZA RAD NA PREDMETIMA RATNIH ZLOČINA	10
2.1.3. SARADNJA TUŽILAŠTVA BiH SA TUŽILAŠTVOM MEĐUNARODNOG KRIVIČNOG SUDA ZA BIVŠU JUGOSLAVIJU (MKSJ).....	11
2.1.4. UČEŠĆE GLAVNOG TUŽIOCA TUŽILAŠTVA BiH NA TREĆOJ REGIONALNOJ KONFERENCIJI DRŽAVNIH TUŽILACA.....	12
2.1.5. KADROVSKA STRUKTURA POSEBNOG ODJELA ZA RATNE ZLOČINE	12
2.1.6. PREDMETI I RAD PO PREDMETIMA U POSEBNOM ODJELU ZA RATNI ZLOČIN.....	13
2.1.7. OSTALE PROCESNE AKTIVNOSTI.....	16
2.1.8. MJERE OSIGURANJA PRISUSTVA OSUMNJIČENOG, ODNOSNO OPTUŽENOG, U RADU POSEBNOG ODJELA ZA RATNE ZLOČINE	17
2.1.9. PROBLEMI S KOJIMA SE SUOČAVA POSEBNI ODJEL ZA RATNI ZLOČIN.....	17
2.2. ODJEL II (POSEBNI ODJEL ZA ORGANIZIRANI KRIMINAL, PRIVREDNI KRIMINAL I KORUPCIJU).....	19
2.2.2. RASPODJELA PREDMETA	20
2.2.3. STRUKTURA KRIVIČNIH DJELA U PREDMETIMA POSEBNOG ODJELA II.....	20
2.2.4. SARADNJA U BORBI PROTIV ORGANIZIRANOG KRIMINALA	22
2.2.5. OSTALE AKTIVNOSTI	23
2.2.6. PROBLEMI U RADU POSEBNOG ODJELA II.....	23
2.3. ODJEL III	25
2.3.1. STRUKTURA KRIVIČNIH DJELA I BROJ PREDMETA, UKLJUČUJUĆI ZAPRIMLJENE PREDMETE, PREDMETE U RADU, KAO I OKONČANE PREDMETE ODJELA III.....	28
2.3.2. PROBLEMI U RADU ODJELA III.....	31
3. UKUPAN RAD TUŽILAŠTVA BOSNE I HERCEGOVINE U PREDMETIMA U ODNOSU NA POZNATE POČINIOCE KRIVIČNIH DJELA	33
4. DRUGI ASPEKTI DJELOVANJA	37
4.1. AKTIVNOSTI NA UNAPREĐENJU SARADNJE SA AGENCIJAMA ZA PROVOĐENJE ZAKONA	37
4.2. AKTIVNOSTI KROZ UDARNE GRUPE.....	38
4.2.1. UDARNA GRUPA ZA BORBUNU PROTIV TRGOVINE LJUDIMA I ORGANIZIRANE ILEGALNE IMIGRACIJE	38
4.2.2. UDARNA GRUPA ZA BORBUNU PROTIV TERORIZMA I JAČANJA SPOSOBNOSTI ZA BORBUNU PROTIV TERORIZMA.....	39
4.3. AKTIVNOSTI NA EDUKACIJI.....	39
4.3.1. OBAVEZNA EDUKACIJA	39
4.3.2. DRUGI VIDOVİ EDUKACIJE	41

4.4. AKTIVNOSTI U OBLASTI ODNOSA S JAVNOŠĆU.....	42
5. FINANSIJSKI IZVJEŠTAJ TUŽILAŠTVA BiH ZA 2009. GODINU	44
6. PLANIRANJE BUDŽETA ZA 2010. GODINU.....	47
7. PRIJEDLOZI AKTIVNOSTI ZA EFIKASNIJI RAD U NAREDNOM PERIODU.....	48
7.1. UVOD I POSTAVLJENI CILJEVI	48
7.2. STVARANJE BOLJEG ZAKONSKOG OKVIRA ZA DJELOVANJE	48
7.3. EFIKASNO OTKRIVANJE I PROCESUIRANJE POČINILACA KRIVIČNIH DJELA U OKVIRIMA PROPISANE NADLEŽNOSTI.....	49
7.4. UNAPREĐENJE KVALITETA RADA I PROFESIONALNOSTI TUŽILACA I DRUGIH UPOSLENIKA	50
7.5. UNAPREĐENJE SARADNJE SA AGENCIJAMA ZA PROVOĐENJE ZAKONA, REGIONALNE SARADNJE I SARADNJE NA MEĐUNARODNOM PLANU	50
7.6. UNAPREĐENJE U KADROVSKOM I ORGANIZACIONOM SMISLU	51
7.7. OSIGURANJE MATERIJALNO-FINANSIJSKIH USLOVA ZA NESMETAN RAD	51
7.8. UVOĐENJE I PRIMJENA NOVIH TEHNOLOŠKIH DOSTIGNUĆA.....	52
7.9. UNAPREĐENJE ODNOSA S JAVNOŠĆU I UOPĆE TRANSPARENTNOSTI RADA KROZ PRUŽANJE INFORMACIJA NEOPHODNIH ZA RAD DRUGIH INSTITUCIJA.....	52
8. STANJE KRIMINALITETA U BOSNI I HERCEGOVINI.....	53

1. UVOD

1.1. OSNOVNA OBILJEŽJA

Tužilaštvo Bosne i Hercegovine osnovano je Zakonom o Tužilaštvu Bosne i Hercegovine i istim Zakonom određeno kao poseban organ Bosne i Hercegovine osnovan u cilju efikasnog ostvarivanja nadležnosti države Bosne i Hercegovine, poštovanja ljudskih prava i zakonitosti na njenoj teritoriji, efikasnijeg suzbijanja kriminaliteta i jačanja načela vladavine prava. Odluku o proglašenju Zakona o Tužilaštvu Bosne i Hercegovine donio je Visoki predstavnik za Bosnu i Hercegovinu 06. augusta 2002. godine. Navedeni zakon usvojen je u Parlamentarnoj skupštini Bosne i Hercegovine i objavljen u „Službenom glasniku BiH“ br. 42/03. Tužilaštvo Bosne i Hercegovine otpočelo je sa radom 27. januara 2003. godine.

Zakonom o Tužilaštvu Bosne i Hercegovine (“Sl. glasnik BiH” br. 24/02, 3/03, 37/03, 42/03, 9/04, 35/04, 61/04, 97/09), pored organizacije i drugih osnovnih određenja kao samostalnog organa Bosne i Hercegovine, propisana je krivična nadležnost Tužilaštva Bosne i Hercegovine kako slijedi:

- ✓ sprovođenje istrage za krivična djela za koja je nadležan Sud Bosne i Hercegovine, te za gonjenje počinitelaca pred Sudom Bosne i Hercegovine, u skladu sa Zakonom o krivičnom postupku Bosne i Hercegovine i drugim primjenjivim zakonima,
- ✓ primanje zahtjeva za međunarodnu pravnu pomoć u krivičnim stvarima, u skladu sa zakonima, multilateralnim i bilateralnim sporazumima i konvencijama, uključujući i zahtjeve za izručenje ili predaju traženih osoba od strane sudova ili organa na području Bosne i Hercegovine i drugih država, odnosno međunarodnih sudova ili Tribunalu.

Tužilaštvo Bosne i Hercegovine je sui generis institucija, i u sklopu tužilačke organizacije Bosne i Hercegovine egzistira kao samostalna institucija koja nema ovlaštenja nad drugim tužilaštvima u Bosni i Hercegovini koja su organizirana u skladu sa postojećom političko-administrativnom organizacijom Bosne i Hercegovine. U odnosu na druga tužilaštva, tužioci Tužilaštva BiH mogu u konkretnim predmetima, koji su u nadležnosti Suda BiH, davati potrebne upute.

Tužilaštvo Bosne i Hercegovine, kao samostalan organ, svoj rad zasniva na načelu nezavisnosti u odnosu na sve sudionike u krivičnom postupku, kao i u odnosu na državne i sve druge organe javne vlasti i međunarodne organizacije, načelu jedinstvenosti djelovanja koje se ogleda u tome što svaka radnja bilo koje komponente, pri vršenju prava i dužnosti utvrđenih zakonom, predstavlja radnju tužilaštva, te načelu hijerarhije koje podrazumijeva odgovornost za rad svih uposlenika Tužilaštva Bosne i Hercegovine glavnom tužiocu.

1.2. UNUTRAŠNJA ORGANIZACIJA

U periodu obuhvaćenom ovom informacijom u Tužilaštvu Bosne i Hercegovine, u organizacionom smislu, egzistirala su tri tužilačka odjela (Posebni odjel za ratne zločine, Posebni odjel za organizirani kriminal, privredni kriminal i korupciju i Odjel III) kojima su rukovodili zamjenici glavnog tužioca Tužilaštva Bosne i Hercegovine i Uprava Tužilaštva kojom je, pod nadzorom glavnog tužioca, rukovodio sekretar Tužilaštva. Takođe je egzistirao Kolegij tužilaca.

Posebni odjel za ratne zločine bavi se procesuiranjem počinitelaca krivičnih djela protiv čovječnosti i vrijednosti zaštićenih međunarodnim pravom iz glave XVII Krivičnog zakona BiH i u organizacionom smislu svoj rad ostvaruje kroz funkcionisanje tužilačkih timova koji su ustanovljeni prema geografsko – regionalnoj strukturi BiH.

Posebni odjel za organizirani kriminal, privredni kriminal i korupciju bavi se procesuiranjem počinitelja krivičnih djela organiziranog kriminala, privrednog kriminala i korupcije u skladu sa Internim kriterijima za raspodjelu predmeta unutar odjeljenja Tužilaštva BiH.

Odjel III bavi se procesuiranjem počinitelja svih krivičnih djela iz nadležnosti Tužilaštva BiH koji nisu u nadležnosti Posebnih odjela TBiH, u skladu sa Internim kriterijima za raspodjelu predmeta unutar odjeljenja Tužilaštva BiH.

Kolegij tužilaca čine glavni tužilac, zamjenici glavnog tužioca i svi tužioci Tužilaštva. Nadležnosti istog propisane su Zakonom o Tužilaštvu BiH i Pravilnikom o unutarnjoj organizaciji i poslovanju Tužiteljstva Bosne i Hercegovine.

U upravi tužilaštva obavljaju se opći, administrativno-tehnički, pravni i materijalno-finansijski poslovi, neophodni za zakonito, blagovremeno i efikasno funkcionisanje Tužilaštva, IKT poslovi, kao i poslovi informisanja javnosti.



Slika 1. Organizaciona šema Tužilaštva BiH

1.3. KADROVSKA OSPOSOBLJENOST

1.3.1. OPĆE NAZNAKE

Poslove Tužilaštva, u skladu sa Zakonom o Tužilaštvu Bosne i Hercegovine, obavljaju glavni tužilac Bosne i Hercegovine, zamjenici glavnog tužioca Bosne i Hercegovine, određeni broj tužilaca Bosne i Hercegovine, sekretar Tužilaštva i ostalo stručno i administrativno-tehničko osoblje.

Broj tužilaca Tužilaštva BiH određuje Visoko sudsko i tužilačko vijeće, a broj ostalog administrativno-tehničkog osoblja određuje se Pravilnikom o unutrašnjoj organizaciji Tužilaštva BiH, koji na osnovu Zakona o Tužilaštvu Bosne i Hercegovine donosi glavni tužilac, uz odobrenje Kolegija tužilaca i Visokog sudskog i tužilačkog vijeća BiH.

Tužilaštvo BiH, u kadrovskom smislu, ima i podršku Ureda registrara. Ured registrara za Odjel I i II Suda Bosne i Hercegovine i Posebne odjele Tužilaštva BiH (Posebni odjel za organizirani, privredni kriminal i korupciju i Posebni odjel za ratni zločin) uspostavljen je 2004. godine, međunarodnim Sporazumom zaključenim između Predsjedništva

BiH i visokog predstavnika za BiH, u namjeri osiguranja administrativne i logističke potpore procesuiranju i suđenju počiniocima krivičnih djela kršenja međunarodnog humanitarnog prava, te krivičnih djela organiziranog, privrednog kriminala i korupcije, a u skladu sa navedenim Sporazumom upravljanja procesom odabira i angažovanja, kako međunarodnih sudija Suda Bosne i Hercegovine, tako i međunarodnih tužilaca, koji se imenuju u posebne odjele Tužilaštva BiH, te upošljavanja i finansiranja dodatnog domaćeg i međunarodnog osoblja za potporu rada Odjela I i II Suda Bosne i Hercegovine i Posebnih odjela Tužilaštva Bosne i Hercegovine (pravno i administrativno osoblje). Ovaj sporazum zamijenjen je Međunarodnim sporazumom o Uredu registrara Odsjeka I za ratne zločine i Odsjeka II za organizirani kriminal, privredni kriminal i korupciju Krivičnog i Apelacionog odjela Suda Bosne i Hercegovine, kao i Posebnog odjeljenja za ratne zločine i Posebnog odjeljenja za organizirani kriminal, privredni kriminal i korupciju Tužilaštva Bosne i Hercegovine kao i o uspostavi Tranzicijskog vijeća („Sl. glasnik BiH – Međunarodni ugovori“, br. 3/07). Troškovi Ureda registrara pokrivaju se iz donacija i dobrovoljnih priloga donatora.

Tužilaštvom Bosne i Hercegovine je do 02.02.2009. godine rukovodio Milorad Barašin u svojstvu v.d. glavnog tužioca, a od navedenog dana, po imenovanju od strane Visokog sudskog i tužilačkog vijeća, preuzeo je dužnost glavnog tužioca.

Do 01.08.2009. godine Tužilaštvo je funkcionisalo, umjesto sa četiri, sa tri zamjenika glavnog tužioca, i to dva međunarodna i jedan domaći, koji su istovremeno obavljali i dužnosti rukovodilaca tužilačkih odjela. Navedenog dana, pošto je za zamjenika glavnog tužioca imenovan od strane Visokog sudskog i tužilačkog vijeća jedan tužilac Tužilaštva Bosne i Hercegovine, Tužilaštvo je nastavilo funkcionisati sa četiri zamjenika glavnog tužioca. Četvrti zamjenik glavnog tužioca istovremeno je obavljao i dužnost zamjenika rukovodioca Posebnog odjela za ratne zločine.

Odlukom visokog predstavnika dana 14.12.2009. godine donesen je Zakon o izmjenama i dopunama Zakona o Tužilaštvu Bosne i Hercegovine kojim je propisano da se u prijelaznom periodu (31. decembar 2012. godine) međunarodni tužioci mogu imenovati u Tužilaštvo, kako bi radili na predmetima dodijeljenim Posebnom odjelu za ratne zločine, čime su međunarodni zamjenici glavnog tužioca prestali obavljati tu dužnost, a takođe i međunarodni tužioci u Posebnom odjelu za organizirani kriminal, privredni kriminal i korupciju.

1.3.2. DOMAĆI KAPACITETI

U periodu koji je obuhvaćen ovom informacijom u Tužilaštvo je od strane Visokog sudskog i tužilačkog vijeća, pored naprijed navedenog zamjenika glavnog tužioca, imenovan i jedan novi domaći tužilac. Na kraju posmatranog vremenskog perioda u Tužilaštvu je bilo ukupno 28 domaćih tužilaca, uključujući glavnog tužioca i dva zamjenika.

U odnosu na ostalo stručno i administrativno-tehničko osoblje u toku 2009. godine otpočelo je sa radom novih 8 uposlenika, a iz Tužilaštva je otišlo pet uposlenika, tako da je na kraju posmatranog perioda bilo 119 uposlenika.

Na kraju perioda obuhvaćenog ovom informacijom, u Tužilaštvu BiH bilo je ukupno 147 uposlenih.

1.3.3. PODRŠKA UREDA REGISTRARA

Pored gore navedenih domaćih tužilaca u Tužilaštvu se na pozicijama tužilaca na početku perioda obuhvaćenog ovom informacijom nalazilo i 9 međunarodnih tužilaca koje je finansirao Ured registrara. U mjesecu decembru 2009. godine ostala su svega četiri međunarodna tužioca, a na kraju ovog perioda, poslije donošenja naprijed navedenog Zakona o izmjenama i dopunama Zakona o Tužilaštvu Bosne i Hercegovine, samo jedan međunarodni tužilac u Posebnom odjelu za ratne zločine.

Navedeni Ured finansirao je i 46 osoba (domaće i međunarodno stručno i administrativno-tehničko osoblje) koje je pružalo podršku radu Posebnog odjela za ratne zločine i Posebnog odjela za organizirani kriminal, privredni kriminal i korupciju.

1.4. OZNAKE UPISNIKA

Radi lakšeg praćenja dalje sadržine ove Informacije navode se oznake upisnika koji se, prema odredbama Pravilnika o unutarnjoj organizaciji i poslovanju Tužiteljstva BiH, vode u Tužilaštvu BiH i istima označavaju i predmeti koji se vode u tim upisnicima kako slijedi:

KT	krivični upisnik za fizičke i pravne osobe – poznati počinioci
KT-RZ	krivični upisnik za počinioce krivičnog djela ratnog zločina
KTN	krivični upisnik za nepoznate počinioce
KTN-RZ	krivični upisnik za nepoznate počinioce krivičnog djela ratnog zločina
KTM	krivični upisnik za maloljetne počinioce
KTZ	krivični upisnik za predmete međunarodne pravne pomoći i ekstradicije
KTA	upisnik raznih krivičnih predmeta
KTA-RZ	krivični upisnik raznih krivičnih predmeta ratnog zločina
A i A-RZ	upisnik za ostale administrativne poslove

2. ODJELI TUŽILAŠTVA BOSNE I HERCEGOVINE

2.1. ODJEL I (POSEBNI ODJEL ZA RATNI ZLOČIN)

Posebni odjel za ratne zločine Tužilaštva BiH je započeo sa radom 09.03.2005. godine, nakon što su usvojeni zakoni koji su bili nužni da bi se stekli uslovi da se predmeti Međunarodnog krivičnog suda za bivšu Jugoslaviju (MKSJ) mogu procesuirati pred domaćim pravosudnim organima, kao i da bi se mogla preuzeti uloga Jedinice za pravila puta MKSJ, koja je do svog zatvaranja vršila pregled predmeta ratnih zločina. Od svog formiranja, Posebni odjel za ratne zločine Tužilaštva BiH bavi se procesuiranjem počinitelja krivičnih djela protiv čovječnosti i vrijednosti zaštićenih međunarodnim pravom iz glave XVII Krivičnog zakona BiH.

Posebni odjel za ratne zločine Tužilaštva BiH svoj rad u organizacionom smislu ostvaruje kroz funkcionisanje šest (6) tužilačkih timova koji su ustanovljeni prema geografsko-regionalnoj strukturi BiH: Tim 1-sjeverozapadna Bosna i dio Posavine, Tim 2-središnja Bosna, Tim 3-istočna Bosna-dolina Drine i dio Posavine, Tim 4-Sarajevo i istočna Bosna uključujući Foču, Tim 5-zapadna Hercegovina i dolina Neretve i specijalni Tim 6 za područje Srebrenice. Tužilački timovi su u svom sastavu imali do kraja izvještajnog perioda po jednog ili dva domaća tužioca, međunarodnog tužioca, zatim pravne saradnike, istražitelje i ostalo osoblje koje pruža pomoć tužiocima u radu.

Tužilačkim timovima podršku u radu pružaju i pravni savjetnici, analitičari, referenti za dokazni materijal, kao i ostalo administrativno osoblje.

2.1.1. UČEŠĆE MEĐUNARODNIH TUŽILACA U RADU ODJELA I NAKON 2009. GODINE

Sporazum između visokog predstavnika za Bosnu i Hercegovinu i Bosne i Hercegovine o Uredu registrara za Odsjek I za ratne zločine i Odsjek II za organizirani kriminal, privredni kriminal i korupciju Krivičnog i Apelacionog odjela Suda Bosne i Hercegovine, kao i Posebnog odjela za ratne zločine te Posebnog odjela za organizirani kriminal, privredni kriminal i korupciju Tužilaštva Bosne i Hercegovine, kao i o uspostavi Tranzicijskog vijeća kojim se zamjenjuje Sporazum o uspostavi Ureda registrara od 01. decembra 2004. godine i Aneksa tog Sporazuma, stupio je na snagu 26. septembra 2004. godine.

Novi sporazum odražava tranzicioni plan koji su usaglasili Ured registrara, predsjednik Suda BiH, glavni tužilac BiH, nadležna ministarstva i predstavnici donatora.

Zakon o Tužilaštvu BiH ("Službeni glasnik BiH" br. 24/02, 3/03, 37/03, 42/03, 9/04, 35/04, 61/04) usvojila je Parlamentarna skupština BiH i objavljen je u „Službenom glasniku BiH“ br. 42/03, nakon što je zakon nametnut od strane visokog predstavnika i objavljen u „Službenom glasniku BiH“ br. 24/02.

Zakonom o izmjenama i dopunama Zakona o Tužilaštvu BiH, objavljenom u „Službenom glasniku BiH“ br. 61/04, u sklopu Tužilaštva BiH osnovan je Posebni odjel za ratne zločine (PORZ), kao i Posebni odjel za organizirani kriminal, privredni kriminal i korupciju (POOK). U članu 18a (Međunarodni tužioci) navedenog zakona, precizirano je da u prijelaznom periodu, koji ne može trajati duže od pet godina odnosno do kraja 2009. godine, više međunarodnih tužilaca može biti imenovano u Posebni odjel za ratne zločine i Posebni odjel za organizirani kriminal. Takođe, precizirano je da međunarodni zamjenici glavnog tužioca obavljaju dužnost rukovodilaca posebnih odjela.

U toku izvještajnog perioda u PORZ imenovana su četiri (4) međunarodna tužioca: David Schwendiman, šef PORZ, Jude Romano, Philip Alcock i Kwai Hong Ip. Prema budžetu Ureda registrara sredstva za D. Schwendiman-a, na njegov prijedlog, bila su osigurana do 30. juna 2009. godine sa mandatom do 31.12.2009. godine. Za tužioca P. Alcock-a

sredstva su bila osigurana do 16. oktobra 2009. godine do kada mu traje mandat prema odluci Visokog sudskog i tužilačkog vijeća (VSTV). Za tužioce Jude Romano i Kwai Hong Ip, sredstva su osigurana do kraja godine, do kada traju i njihovi mandati.

Tužilaštvo Bosne i Hercegovine – glavni tužilac, u više navrata je isticao neophodnost i potrebu za produženjem mandata i radom međunarodnih tužilaca u Tužilaštvu Bosne i Hercegovine, u PORZ i POOK.

U tom cilju od strane Tužilaštva upućeno je:

Dopis upućen Ministarstvu pravde BiH 09.05.2008. godine, kao inicijativa za pokretanje aktivnosti koje se odnose na potrebu ostanka međunarodnih sudija i tužilaca nakon 2009. godine.

Dopis upućen Ministarstvu pravde BiH 11.09.2008. godine, kojim se traži povratna informacija o aktivnostima koje je preduzelo Ministarstvo pravde, a koje se odnose na potrebu ostanka međunarodnih sudija i tužilaca nakon 2009. godine. Oba dopisa su poslata zajednički sa predsjednicom Suda Bosne i Hercegovine.

Stav o potrebi ostanka međunarodnih tužilaca u naprijed navedenim odjelima Tužilaštva BiH, glavni tužilac je iznio i na sjednici VSTV-a 19.02.2009. godine, u kojem je posebno naglasio značaj rada međunarodnih tužilaca u PORZ, te iznio stav neophodnosti zamjene međunarodnih tužilaca kao rukovodilaca odjela PORZ i POOK domaćim tužiocima koji bi rukovodili ovim odjelima.

Glavni tužilac Tužilaštva Bosne i Hercegovine cijeni da bi nakon 2009. godine u ova dva odjela bio neophodan ostatak međunarodnih tužilaca, i to u PORZ 4 međunarodna tužioca.

Ovi stavovi glavnog tužioca Tužilaštva Bosne i Hercegovine su u skladu sa činjenicom da u ovom trenutku postoji izuzetna zainteresovanost i podrška donatora i međunarodne zajednice za ostatak međunarodnih tužilaca i nakon 2009. godine. I VSTV je 19.02.2009. godine donijelo Mišljenje o prisustvu međunarodnih sudija i tužilaca poslije 31.12.2009. godine i podržalo nastavak međunarodnog prisustva u Tužilaštvu BiH, i to u oba odjela.

Sredinom decembra 2009. godine, u Tužilaštvu BiH angažovan je bio samo jedan međunarodni tužilac u Posebnom odjelu za ratne zločine.

Nakon niza održanih sastanaka ambasadora u okviru Vijeća za implementiranje mira (PIC), visoki predstavnik u BiH, dr. Valentin Inzko, dana 14.12.2009. godine, u skladu sa svojim ovlaštenjima, donio je odluku o produženju mandata međunarodnim tužiocima i osoblju u Tužilaštvu BiH, odnosno Odluku kojom se donosi Zakon o izmjenama i dopunama Zakona o Tužilaštvu Bosne i Hercegovine ("Službeni glasnik BiH", broj: 97 od 15.12.2009. godine) koja odluka je javnosti Bosne i Hercegovine i međunarodnoj javnosti zvanično saopštena na konferenciji za medije, koju je visoki predstavnik organizirao 14.12.2009. godine.

Odluka ima zvanični naziv: **„Odluka kojom se donosi Zakon o izmjenama i dopunama Zakona o Tužilaštvu Bosne i Hercegovine i kojom se naređuje organima vlasti Bosne i Hercegovine da osiguraju da uslovi za prestanak međunarodnog prisustva prijenosom pozicija na državljane Bosne i Hercegovine budu ispunjeni”**

Donošenjem ove odluke visokog predstavnika omogućeno je produženje mandata međunarodnim tužiocima koji rade u Posebnom odjelu za ratne zločine Tužilaštva BiH do kraja 2012. godine. Također, ovom odlukom određeno je da međunarodni tužioci u Posebnom odjelu za organizirani kriminal, privredni kriminal i korupciju mogu ostati raditi, ali isključivo kao savjetnici, također do kraja 2012. godine.

Nakon ove, zaista značajne odluke za proces uspostave vladavine prava u Bosni i Hercegovini, dana 21.12.2009. godine, u zgradi Ureda visokog predstavnika u BiH (OHR), održan je sastanak pod nazivom „Podrška uspostavi vladavine prava u BiH“, na kojem su se okupljenim ambasadorima i predstavnicima diplomatskog kora u BiH obratili glavni tužilac

Tužilaštva BiH, predsjednica Suda BiH i visoki predstavnik u BiH, n.j.e. Valentin Inzko, koji su iznijeli svoje stavove o budućem procesu nastavka mandata međunarodnog osoblja u Tužilaštvu BiH i Sudu BiH.

Očekuje se da će tokom 2010. godine biti provedene aktivnosti u vezi sa procesom imenovanja međunarodnih tužilaca u Posebni odjel za ratne zločine Tužilaštva BiH, kao i potrebne aktivnosti za imenovanje, kao i definisanje modaliteta angažmana međunarodnih službenika u svojstvu savjetnika u Posebnom odjelu za organizirani kriminal, privredni kriminal i korupciju Tužilaštva BiH. Također, zbog potpune uspostave vladavine prava u BiH, istaknuta je potreba za jačanjem domaćih kapaciteta u Tužilaštvu BiH u narednom periodu.

Dana 29.12.2009. godine, u Tužilaštvu BiH održan je sastanak glavnog tužioca i predsjednice Suda BiH sa predsjedavajućim Vijeća ministara BiH, na kojem se razgovaralo o procesu restrukturiranja ovih institucija u skladu sa Odlukom visokog predstavnika u BiH, kao i procesu uspostave vladavine prava u Bosni i Hercegovini. U skladu sa Odlukom visokog predstavnika u BiH o produženju mandata međunarodnim tužiocima, očekuje se da VSTV u narednom periodu imenuje dodatne međunarodne tužioce u Posebni odjel za ratne zločine.

2.1.2. IMPLEMENTACIJA DRŽAVNE STRATEGIJE ZA RAD NA PREDMETIMA RATNIH ZLOČINA

Državna strategija za rad na predmetima ratnih zločina (Strategija), a koja je usvojena na 71-oj sjednici Vijeća ministara koja je održana dana 29.12.2008. godine, podrazumijeva formiranje Nadzornog organa koji će pratiti provođenje Strategije i kojem će se podnositi izvještaji o preduzetim aktivnostima na provođenju ciljeva i zadataka Strategije.

Vijeće ministara Bosne i Hercegovine na 80. sjednici održanoj 19. marta 2009. godine donijelo je Odluku o formiranju Nadzornog organa za praćenje provođenja Državne strategije za rad na predmetima ratnih zločina. Članom 5. navedene odluke je propisano da su predsjednik Suda Bosne i Hercegovine, glavni federalni tužilac Federacije Bosne i Hercegovine, glavni republički tužilac Republike Srpske, glavni tužilac Tužilaštva Brčko Distrikta Bosne i Hercegovine, predsjednici vrhovnih sudova Federacije Bosne i Hercegovine i Republike Srpske i Apelacionog suda Brčko Distrikta dužni redovno izvještavati Nadzorni organ o provedenim aktivnostima, a najmanje jednom mjesečno.

U cilju implementacije Strategije održan je Radni sastanak/vanredna konferencija glavnih tužilaca u Bosni i Hercegovini o procesuiranju predmeta ratnih zločina u Tesliću, 23. i 24. novembra 2009. godine, kojom prilikom su doneseni slijedeći zaključci:

1. Tužilaštvo BiH, entitetska tužilaštva i Tužilaštvo Brčko Distrikta BiH dužni su ažurirati podatke o nezavršenim predmetima ratnih zločina radi formiranja jedinstvene baze podataka o svim predmetima ratnih zločina na nivou Bosne i Hercegovine.
2. Dodatnim naporima Tužilaštva Bosne i Hercegovine ubrzati postupak pregleda predmeta ratnih zločina sa ciljem donošenja ocjene o stepenu složenosti predmeta, a samim tim i odluke o procesuiranju konkretnog predmeta pred Tužilaštvom i Sudom Bosne i Hercegovine ili pred sudovima i tužilaštvima entiteta i Brčko Distrikta Bosne i Hercegovine.
3. Procesuiranje predmeta ratnih zločina mora imati prioritet u odnosu na sve ostale vrste predmeta u tužilaštvu. Zavisno od obima, složenosti i broja predmeta ratnih zločina, u okviru tužilaštava formirati posebne odjele, sa odgovarajućim brojem tužilaca koji će se baviti isključivo procesuiranjem ovih predmeta. Sva tužilaštva u BiH su dužna sačiniti Plan rješavanja predmeta ratnih zločina i dostaviti ih VSTV-u BiH.

4. Preduzeti aktivnosti po pitanju poboljšanja saradnje tužilaca sa Ministarstvima unutrašnjih poslova i drugim policijskim agencijama, formiranje stručnih istražnih timova ili odjela koji će pružati podršku tužilaštvima u rješavanju predmeta ratnih zločina.
5. Kako bi se ciljevi određeni Državnom strategijom za rješavanje predmeta ratnih zločina ostvarili u datim vremenskim rokovima, neophodno je animirati Ministarstvo pravde BiH i Vijeće ministara BiH radi obezbjeđenja dodatnih finansijskih sredstava.

2.1.3. SARADNJA TUŽILAŠTVA BiH SA TUŽILAŠTVOM MEĐUNARODNOG KRIVIČNOG SUDA ZA BIVŠU JUGOSLAVIJU (MKSJ)

Uzimajući u obzir da "strategija okončanja rada" sprječava MKSJ da u potpunosti ispuni mandat koji mu je povjeren Rezolucijom 808 Vijeća sigurnosti UN-a da krivično goni "osobe odgovorne za teška kršenja međunarodnog humanitarnog prava koja su počinjena na području bivše Jugoslavije od 1991. god.", te je s obzirom na događaje u Bosni i Hercegovini (koja je bila poprište najtežih, najrasprostranjenijih i najsistematičnijih zločina), taj mandat ustupljen nadležnim institucijama u BiH kada su osumnjičeni nižeg i srednjeg ranga.

Tužilaštvo MKSJ i Tužilaštvo Bosne i Hercegovine, imajući u vidu da Odjel za ratne zločine Tužilaštva Bosne i Hercegovine neće biti u stanju obavljati svoju funkciju u ovom procesu bez pomoći Tužilaštva MKSJ, zaključili su u septembru 2005. godine "*Memorandum o razumijevanju između Tužilaštva Međunarodnog krivičnog suda za bivšu Jugoslaviju (MKSJ) i Tužilaštva Bosne i Hercegovine-Posebni odjel za ratne zločine*", kojim potpisnice regulišu međusobnu saradnju u pogledu zahtjeva za pomoć, pristupa dokumentima, pristupa izjavama svjedoka, kontakta sa svjedocima i svjedocima za koje postoje zaštitne mjere, pristupa izvještajima, vještacima itd.

Osim predmeta koji se ustupaju prema „Pravilu 11bis“, MKSJ, a u sklopu svoje Strategije okončanja rada, je Tužilaštvu BiH ustupio jedan broj djelimično istraženih predmeta (predmeta kategorije “2”). Ovi predmeti se po svojoj složenosti i ozbiljnosti mogu porediti sa predmetima koji se ustupaju prema „Pravilu 11bis“.

Saradnja Tužilaštva Bosne i Hercegovine sa Međunarodnim krivičnim sudom za bivšu Jugoslaviju je veoma značajna i tokom proteklih godina odvijala se kroz razne oblike i na različitim nivoima.

Na konferenciji o naslijeđu Haškog suda, u organizaciji UNICRI i MKSJ, glavni tužilac Tužilaštva BiH, Milorad Barašin, imao je izlaganje koje se odnosi na primjenu priručnika o praksi MKSJ u Bosni i Hercegovini. Visoki službenici MKSJ, bosanskohercegovačkog pravosuđa, kao i međunarodnih pravosudnih institucija i diplomatskog kora u BiH sudjelovali su na konferenciji o naslijeđu Međunarodnog krivičnog suda za bivšu Jugoslaviju (MKSJ). Na ovom dvodnevnom skupu, između ostalih, bili su prisutni predsjednik MKSJ, sudija Patrick L. Robinson, Sandro Calvani, direktor UNICRI, glavni tužilac Tužilaštva BiH, Milorad Barašin, sudija Suda BiH, Davorin Jukić, te ministar pravde BiH, Bariša Čolak.

Na konferenciji je predstavljen Priručnik o razvijanju pravosudne prakse MKSJ, koji sadrži iskustva iz rada Haškog suda, a odnosi se na procesna rješenja i pravila o postupku i dokazima, koje je u svojoj historiji razvijao MKSJ. Priručnik sadrži prezentirane studije i analize iz pojedinih predmeta, kao i detalje koji se odnose na praktična iskustva u segmentima krivične istrage, planiranja istrage, ispitivanja svjedoka, prezentiranja dokaza u sudnici i drugim aktivnostima u radu na predmetima Haškog suda. Centralne teme održane konferencije su bile međusobna saradnja zemalja regiona, kao i saradnja sa tužilaštvom pri MKSJ u radu na predmetima ratnih zločina. Na konferenciji se razgovaralo i o temama koje se odnose na poboljšanje baza podataka o ratnim zločinima, zaštitu svjedoka u predmetima ratnih zločina, kao i drugim aktuelnim pitanjima u vezi sa procesuiranjem predmeta ratnih zločina.

2.1.4. UČEŠĆE GLAVNOG TUŽIOCA TUŽILAŠTVA BiH NA TREĆOJ REGIONALNOJ KONFERENCIJI DRŽAVNIH TUŽILACA

Delegacija Tužilaštva BiH na čelu sa glavnim tužiocem, Miloradom Barašinom, je u maju mjesecu 2009. godine sudjelovala na 3. Regionalnoj konferenciji tužilaca na Brionima, u Hrvatskoj. Konferencija se odnosila na teme u vezi sa procesuiranjem predmeta ratnih zločina.

Na 3. Regionalnoj konferenciji tužilaca na Brionima su takode sudjelovali predstavnici tužilaštava iz zemalja regiona, kao i predstavnici Tužilaštva BiH i entitetskih tužilaštava iz Bosne i Hercegovine, te visoki službenici tužilaštva pri Međunarodnom krivičnom sudu za bivšu Jugoslaviju (MKSJ) u Den Haagu. Na konferenciji je također prisutan ambasador SAD-a za pitanja ratnih zločina, njegova ekselencija, Clint Williamson.

Centralne teme održane konferencije su bile međusobna saradnja zemalja regiona, kao i saradnja sa tužilaštvom pri MKSJ u radu na predmetima ratnih zločina. Na konferenciji se razgovaralo i o temama koje se odnose na poboljšanje baza podataka o ratnim zločinima, zaštitu svjedoka u predmetima ratnih zločina, kao i drugim aktuelnim pitanjima u vezi sa procesuiranjem predmeta ratnih zločina.

Predstavnik Tužilaštva BiH, međunarodni saradnik, Johnatan McCaskill, na konferenciji je imao izlaganje i prezentaciju koja se odnosi na mehanizme novog pristupa u analizi i praćenju predmeta ratnih zločina.

2.1.5. KADROVSKA STRUKTURA POSEBNOG ODJELA ZA RATNE ZLOČINE

U toku izvještajnog perioda domaći kadar u Posebnom odjelu za ratne zločine sačinjavalo je 14 tužilaca, jedan stručni savjetnik, 9 stručnih saradnika, 4 istražitelja, 5 koordinatora predmeta, 5 analitičara, 2 referenta za unos podataka i 14 daktilografa.

Također, u Posebnom odjelu za ratne zločine u različitim periodima tokom 2009. godine radio je jedan broj uposlenika koje je finansirao Ured registrara, i to: 4 međunarodna tužioca, 8 međunarodnih saradnika, 3 međunarodna istražitelja, 7 prevodilaca, 9 međunarodnih pripravnika, 11 domaćih pripravnika i 2 administrativna asistenta.



Slika 2. Organizaciona šema Posebnog odjela za ratne zločine

2.1.6. PREDMETI I RAD PO PREDMETIMA U POSEBNOM ODJELU ZA RATNI ZLOČIN

Posebni odjel za ratne zločine Tužilaštva BiH radi na četiri vrste predmeta:

Predmeti koje Haški tribunal ustupa domaćem pravosuđu u skladu s Pravilom 11*bis* svojih Pravila o postupku i dokazima, a to su predmeti u kojima je Tribunal potvrdio optužnicu, ali nije započeo suđenje, no sudsko vijeće Tribunala donijelo je pravosnažnu odluku da se predmet ustupi domaćem pravosuđu na daljnje postupanje. Pravilo 11*bis*, između ostaloga, u stavu A predviđa:

"(A) Nakon što je optužnica potvrđena, a prije početka suđenja, bez obzira na to da li je optuženi pod nadzorom Međunarodnog suda, predsjednik može imenovati vijeće sastavljeno od troje stalnih sudija izabranih iz sastava pretresnih vijeća (dalje u tekstu: Vijeće za prosljeđivanje), koje će biti jedina i isključiva instanca za utvrđivanje da li predmet treba proslijediti vlastima države:


- (i) na čijoj teritoriji je krivično djelo počinjeno; ili
- (ii) u kojoj je optuženi uhapšen; ili
- (iii) koja je nadležna za takav predmet, te je voljna i adekvatno pripremljena da ga preuzme."

Predmeti koje je pregledavala jedinica za Pravila puta MKSJ su predmeti u kojima su domaće institucije iz Bosne i Hercegovine sprovele istragu, a zatim ih prosljedile jedinici za Pravila puta da bi dobili njihovo mišljenje, kako bi utvrdili da li su prikupili dovoljno dokaza koji ukazuju da postoje osnovi sumnje da bi osoba mogla biti stavljena u pritvor. Predmeti iz Tužilaštva Haškog tribunala u kojima je Tribunal sproveo istragu, ali nije podigao optužnicu su svi predmeti koji su započeti nakon isteka mandata jedinice Pravila puta u oktobru 2004.g. Posebni odjel za ratne zločine

mora također u svjetlu svog Pravilnika i orijentacionih kriterija za osjetljivost predmeta ratnih zločina ponovo ispitati i sve predmete bosanskohercegovačkih tužilaštava koji nisu bili proslijeđeni jedinici za Pravila puta kako bi ocijenio je li predmet 'vrlo osjetljiv' (što znači da se mora procesuirati pred Sudom BiH) ili 'osjetljiv' (što znači da se može ustupiti stvarno i mjesno nadležnom tužilaštvu na daljnje postupanje).

2.1.6.1. KT-RZ PREDMETI

U Posebnom odjelu za ratne zločine Tužilaštva BiH, tokom 2009. godine, u radu je bilo 711 KT-RZ predmeta protiv 3.875 osoba, a od tog broja tokom 2009. godine zaprimljena su 94 predmeta protiv 382 osobe. Tužiocima ovog Odjela, u 2009.g., donijeli su 33 naredbe o sprovođenju istrage protiv 103 osobe. U 299 predmeta u odnosu na 987 osoba su istrage prenešene iz ranijih perioda. U 9 predmeta protiv 38 osoba donesene su naredbe o nesprovođenju istrage, a u 17 predmeta protiv 46 osoba donesene su naredbe o obustavi istrage. U 2009. godini tužiocima Posebnog odjela za ratne zločine su, nakon sprovedenih istraga protiv 33 osobe, podigli 19 optužnica, od kojeg broja je 18 optužnica protiv 31 osobe potvrđeno u 2009. godini, a za jednu optužnicu protiv dvije osobe je odbijeno potvrđivanje.



Slika 3. Pregled procesnih odluka u Posebnom odjelu za ratne zločine u 2009. godini

Tužiocima ovog odjela su u 5 predmeta u odnosu na 5 osoba sklopili sporazume o priznanju krivnje sa optuženim, koje sporazume je Sud BiH prihvatio, te izrekao osuđujuće presude sa izrečenim zatvorskim kaznama.

Posebni odjel za ratne zločine je tokom 2009. godine za krivično djelo Genocid iz člana 171. KZ BiH optužio 1 osobu, za krivično djelo Zločin protiv čovječnosti iz člana 172. KZ BiH ukupno 16 osoba, za krivično djelo Ratni zločin protiv civilnog stanovništva iz člana 173. KZ BiH ukupno 9 osoba, za krivično djelo Ratni zločin protiv ranjenika i

zarobljenika iz člana 174. KZ BiH 1 osobu, za krivično djelo Ratni zločin protiv ratnih zarobljenika iz člana 175. KZ BiH 3 osobe i za krivično djelo Protupravno ubijanje i ranjavanje neprijatelja iz člana 177. KZ BiH 1 osobu.

Rješavajući po optužnicama ovoga Odjela, tokom 2009. godine, Sud BiH je nakon provedenog postupka u 15 predmeta protiv 22 osobe donio prvostepene presude, od kojih presuda je 11 osuđujućih u odnosu na 16 osoba i 2 oslobađajuće u odnosu na 4 osobe. U jednom predmetu protiv jedne osobe Sud BiH je donio odbijajuću presudu, a u jednom predmetu u odnosu na jednu osobu je donio rješenje o obustavi postupka. Tužiocima ovog odjela su protiv 21 presude u odnosu na 21 osobu uložili žalbe, od kojih je 8 žalbi u odnosu na 9 osoba uvaženo, a 9 žalbi u odnosu na 17 osoba odbijeno.

Sud BiH je u 19 predmeta protiv 35 osoba donio drugostepene presude, od kojih je u odnosu na 26 osoba donio osuđujuće presude u kojima je izrečena kazna zatvora u ukupnom trajanju 441 godine zatvora, a u odnosu na 7 osoba je donio drugostepene oslobađajuće presude.

2.1.6.2. KTA-RZ PREDMETI

Tužiocima Posebnog odjela tokom 2009.g. bili su zaduženi sa 1090 KTA-RZ predmeta, od kojih je 756 predmeta kao neriješeno preneseno iz ranijih godina, a u 2009. godini su zaprimljena 334 predmeta.


U toku izvještajnog perioda ukupno je riješeno 72 KTA-RZ predmeta.

2.1.6.3. KTN-RZ PREDMETI

Također, tužiocima Posebnog odjela su 2009.g. u radu imali 257 KTN-RZ predmeta, od kojih je preneseno kao neriješeno 227 predmeta iz ranijih godina, a u 2009. godini je ukupno zaprimljeno 30 KTN-RZ predmeta, od kojeg broja je riješeno 20 predmeta.

2.1.6.3. A-RZ PREDMETI

Posebni odjel za ratne zločine je u 2009. godini imao u radu 254 A-RZ predmeta, od kojih su 94 predmeta ostala u radu Tužilaštva iz ranijih godina, dok je u 2009. godini Tužilaštvo zaprimilo 160 predmeta. Na kraju izvještajnog perioda ukupno je riješeno 195 A-RZ predmeta.



Slika 4. Pregled KTA-RZ, KTN-RZ i A-RZ predmeta u 2009. godini

2.1.7. OSTALE PROCESNE AKTIVNOSTI

Optužnice, žalbe, naredbe o sprovođenju istrage, naredbe o obustavi istrage, naredbe o nesprovođenju istrage, te okončani KTA-RZ i KTN-RZ predmeti, nisu jedini rezultati rada tužilaca Posebnog odjela za ratne zločine Tužilaštva BiH.

Naime, tužioci Posebnog odjela su postupajući po naredbama za sprovođenje istrage tokom 2009. godine, u svojstvu svjedoka saslušali 1.118 osoba, Državnoj agenciji za istrage i zaštitu podnijeli veliki broj naredbi za preduzimanje istražnih radnji, izdali Državnoj agenciji za istrage i zaštitu više naredbi za lišenje slobode osoba osumnjičenih za krivična djela ratnog zločina. Pred Sudom Bosne i Hercegovine, u postupcima vođenim po optužnicama Posebnog odjela, održano je u 2009. godini 830 glavnih pretresa. Ovi podaci također ukazuju da je veliki broj zakazanih ročišta pred Sudom Bosne i Hercegovine, s obzirom na kompleksnost i obimnost predmeta ratnih zločina, te također da, zbog zauzetosti sudija i sudnica, suđenja u gotovo svakom predmetu traju dugo, u prosjeku po godinu i godinu i po dana.

2.1.8. MJERE OSIGURANJA PRISUSTVA OSUMNJIČENOG, ODNOSNO OPTUŽENOG, U RADU POSEBNOG ODJELA ZA RATNE ZLOČINE

U toku izvještajnog perioda Sud BiH je po prijedlozima tužilaca Posebnog odjela za ratne zločine odredio pritvor u 16 predmeta prema 26 osoba.

Sud BiH se u odnosu prema 12 osoba u 8 predmeta opredijelio za izricanje blaže mjere za osiguranje prisustva osumnjičenog/optuženog propisane članom 126. ZKP BiH i to: zabrana napuštanja mjesta boravišta, oduzimanje putnih isprava, zabrana sastajanja s određenim osobama, te uz obavezno javljanje u nadležnu policijsku stanicu.

2.1.9. PROBLEMI S KOJIMA SE SUOČAVA POSEBNI ODJEL ZA RATNI ZLOČIN

2.1.9.1. EFIKASNA REGIONALNA SARADNJA

Posebno je važno postojanje efikasne regionalne saradnje za vođenje krivičnih postupaka u predmetima ratnih zločina jer je u gotovo svakom ovakvom predmetu prisutan i regionalni aspekt (prema mjestu zločina, teritoriji na kojoj se nalaze dokazi, prebivalištu oštećenih, svjedoka, osumnjičenih ili optuženih, vođenja postupka itd.). Nedostatak pravnog okvira kojim se reguliše regionalna saradnja, kao što je postojanje zabrane izručenja sopstvenih državljana ili sprječavanje uvida u spise i dokazni materijal iz drugih država, ima negativne posljedice na provođenje postupaka u predmetima ratnih zločina. Prepoznata je potreba za uspostavljanjem mehanizma regionalnog karaktera koji će biti usmjeren na uspješno vođenje krivičnih postupaka, prikupljanje dokaza, kao što su izjave svjedoka i forenzička vještačenja, odnosno unapređenje programa zaštite svjedoka. U toku 2005. godine zaključeni su međudržavni sporazumi o saradnji između glavnih tužilaca Srbije, Crne Gore, Hrvatske i Bosne i Hercegovine kojima su se nastojala riješiti pitanja složenih i često sporih birokratskih postupaka pružanja međunarodne pravne pomoći u krivičnim stvarima, tako što će se pojednostaviti procedure za razmjenu dokaznog materijala i drugih informacija u predmetima organiziranog kriminala i ratnih zločina. Primjenom ovih sporazuma pokazalo se da je moguća razmjena informacija i dokaza između pravosudnih organa BiH, Hrvatske, Srbije i Crne Gore. Međutim, ovi pozitivni pomoci su bili ograničenog dometa, jer uspostavljeni mehanizmi saradnje nisu na adekvatan način riješili pitanja ustupanja predmeta ratnih zločina u slučajevima pluraliteta krivičnog gonjenja i izručenja državljana u slučaju dvostrukog državljanstva zbog jasnih ustavnih i pravnih ograničenja vezanih za ekstradiciju sopstvenih državljana, koja su u osnovi predstavljala i ideju vodilju za pokretanje cijelog procesa regionalne saradnje. Ministarstvo pravde BiH, u saradnji sa Sudom i Tužilaštvom BiH, je ubrzalo aktivnosti na donošenju **Zakona o međunarodnoj pravnoj pomoći u krivičnim stvarima** koji je usvojila Parlamentarna skupština Bosne i Hercegovine na 55. sjednici Predstavničkog doma, održanoj 10. juna 2009. godine i na 30. sjednici Doma naroda, održanoj 15. juna 2009. godine.

2.1.9.2. SVJEDOCI U PREDMETIMA RATNIH ZLOČINA

Svjedoci predstavljaju najznačajnije i najviše korišteno dokazno sredstvo u predmetima ratnih zločina. Imajući u vidu ulogu koju svjedoci imaju za vođenje i ishod suđenja za djela ratnih zločina, a koja je ponekad od presudnog značaja za uspješno okončanje predmeta, veoma je bitno osigurati da se uspostavi atmosfera u kojoj će svjedoci slobodno davati izjave bez straha od prijetnji ili pritisaka koje mogu ugroziti njihov ili život njima bliskih osoba.

U Bosni i Hercegovini uspostavljen je pravni okvir kojim se uređuje materija zaštite svjedoka i propisuje postupak određivanja i provođenja mjera zaštite. Zakoni o zaštiti svjedoka pod prijetnjom i ugroženih svjedoka usvojeni su na nivou BiH, entiteta i u Brčko Distriktu, dok je posebni zakon koji definiše nadležnost Državne agencije za istrage i zaštitu za uspostavljanje i provođenje programa zaštite svjedoka (Zakon o programu zaštite svjedoka u BiH) usvojen i važi samo na nivou BiH. Takođe i niz konvencija i drugih međunarodnih instrumenata obavezuju Bosnu i Hercegovinu da osigura efikasnu zaštitu svjedoka od raznih oblika zastrašivanja, odnosno ugrožavanja fizičkog integriteta, života i zdravlja, kao i pružanja svih mjera podrške i zaštite članovima porodice svjedoka ili njima bliskih osoba.

Dosadašnja praksa i analiza procesuiranja krivičnih djela iz oblasti ratnih zločina ukazuju da Sud BiH svjedocima uglavnom određuje mjere zaštite koje se provode u toku krivičnog postupka (svjedočenje putem tehničkih uređaja za prenos slike i zvuka) i koje ne spadaju u Program zaštite svjedoka iz nadležnosti Državne agencije za istrage i zaštitu (SIPA-e), i za čije provođenje je Sud BiH u potpunosti opremljen. Organizaciona struktura Odjeljenja za zaštitu svjedoka pri SIPA–i prilagođena je izvršavanju poslova i zadataka iz oblasti zaštite svjedoka.

Kadrovska popunjenost ove jedinice iznosi oko 80% i osoblje radi u neadekvatnom radnom prostoru, te je potrebno dodatno tehničko opremanje službe. Uočena je potreba za obimnijom i kvalitetnijom edukacijom i obukom osoblja koje izvršava poslove i zadatke pružanja pomoći prema Zakonu o programu zaštite svjedoka.

Nedostatak održivog izvora finansiranja u izuzetno složenim predmetima gdje je potrebno odrediti posebne mjere zaštite svjedoka, izmjestiti svjedoka izvan granice zemlje i izmijeniti njegov identitet, predstavlja jedan od najvećih izazova za efikasno provođenje mjera zaštite svjedoka i programa zaštite svjedoka na svim nivoima.

Veoma često se susreće problem u vezi svjedoka koji daju izjavu u više krivičnih postupaka, pri čemu im se određuju različite mjere zaštite koje nisu adekvatne i proporcionalne stvarnom riziku i prijetnji, što povećava rizik od neovlaštenog otkrivanja zaštićenih podataka i proizvodi druge negativne posljedice po sigurnost svjedoka i njihovih porodica.

Djelotvoran program podrške svjedocima i žrtvama u predmetima ratnih zločina neophodan je za uspješno odvijanje ovih krivičnih postupaka. U većini situacija svjedoci u predmetima ratnih zločina su i sami žrtve ili članovi porodice žrtava ili nestalih osoba koji spadaju u rizičnu grupu ljudi podložnu emotivnim reakcijama tokom svjedočenja. Neophodno je obezbijediti podršku svjedocima i izgraditi kapacitete u ovoj oblasti, što će pomoći i u postupcima za brojna druga krivična djela.

2.1.9.3. FINANSIRANJE I SMJEŠTAJNI KAPACITETI

Za 2009. godinu Tužilaštvo BiH je tražilo sredstva za rad u iznosu 9.064.000,00 KM, ali je budžetom odobren iznos od 8.015.000,00 KM, što je za 1.049.000,00 KM manje od traženog, odnosno za 8% manje nego u 2008. godini. Iz naprijed navedenog se jasno vidi da su sredstva u budžetu za rad Tužilaštva BiH smanjena, što može predstavljati poteškuću za dalji rad.

Takođe je neophodno osigurati odgovarajući dodatni prostor za rad osoblja u Tužilaštvu BiH, a cijeneći činjenicu da prostor kojim raspolaže tužilaštvo ne zadovoljava potrebe već postojećeg broja osoblja, a što svakako može uticati na kvalitet i kvantitet rada. Naime, u vrlo malim uredima sjede najmanje tri uposlenika tužilaštva, što ne predstavlja odgovarajuće uslove rada, naročito ako se uzme u obzir da su uredi pretrpani predmetima, a što je posljedica nepostojanja prostora za arhivu tužilaštva, te malih smještajnih kapaciteta pisarne.

2.2. ODJEL II (POSEBNI ODJEL ZA ORGANIZIRANI KRIMINAL, PRIVREDNI KRIMINAL I KORUPCIJU)

2.2.1. FUNKCIONISANJE ODJELA

Posebni odjel za organizirani kriminal, privredni kriminal i korupciju (Posebni odjel II) uspostavljen je formiranjem Tužilaštva Bosne i Hercegovine (Tužilaštvo BiH) u 2003. godini odlukom visokog predstavnika za Bosnu i Hercegovinu, kada su odjel sačinjavali isključivo međunarodni tužioci, ovlašteni u skladu sa izmjenama i dopunama Zakona o Tužilaštvu BiH. Ispunjavajući ciljeve postavljene pred Tužilaštvo BiH, u skladu sa planom zamjene međunarodnog osoblja, u Posebni odjel II su postepeno raspoređivani domaći tužioci, te je u toku 2009. godine u Posebnom odjelu II radilo ukupno 5 međunarodnih i 6 domaćih tužilaca, raspoređenih u osam tužilačkih timova.

Tužiocima u radu na predmetima stručnu i administrativnu pomoć pruža ostalo osoblje koje čine 2 stručna savjetnika, 13 stručnih saradnika-pravnika, 5 koordinatora predmeta (od kojih se 2 finansiraju isključivo od strane Ureda registrara), 1 administrativno-tehnički referent, 2 asistenta na predmetima (finansirani isključivo od strane Ureda registrara), 6 daktilografa i 4 pripravnika (od kojih se 3 finansiraju od strane Ureda registrara). Stručni saradnici-pravnici pružaju pravne usluge domaćim i međunarodnim tužiocima, u zavisnosti od tima u koji su raspoređeni, i to na način da vrše analizu pravnih propisa, pišu sažetke predmeta, prijedloge i podneske Sudu, pripremaju nacрте optužnica, zahtjeva, prijedloga, asistiraju u organiziranju predmeta za suđenje, po ovlaštenju tužioca ispituju osumnjičene, saslušavaju svjedoke, prisustvuju glavnim pretresima i suđenjima, te obavljaju druge zadatke po nalogu tužioca, sve u svojstvu ovlaštenih službenih osoba, kako je to predviđeno u članu 20. stav 1. tačka g) Zakona o krivičnom postupku Bosne i Hercegovine.



Slika 5. Organizaciona šema Posebnog odjela za organizirani kriminal, privredni kriminal i korupciju

U izvještajnoj godini, funkciju rukovodioca Posebnog odjela II vršio je međunarodni tužilac, dok je funkciju zamjenika rukovodioca Posebnog odjela II vršio domaći tužilac. Mandat međunarodnog tužioca, kao rukovodioca Posebnog odjela II, je pružanje pomoći domaćim tužiocima u neophodnom rukovodnom i tehničkom znanju koje će im omogućiti da istražuju i krivično gone počiniocima krivičnih djela iz oblasti organiziranog kriminala, privrednog kriminala i korupcije, u skladu sa međunarodnim standardima i normama, a istovremeno će im pružiti vođstvo, koje je neophodno za uspostavljanje i unapređenje domaćih kapaciteta. Organizirani kriminal, privredni kriminal i korupcija podrivaju javnu sigurnost i zakonitost tržišne razmjene i natjecanje koje je od suštinske važnosti za ekonomski život i razvoj u Bosni i Hercegovini i integrisanje Bosne i Hercegovine u Evropu, te je borba protiv ovih oblika kriminala veoma značajna u jačanju pravne države i jačanju ekonomske moći Bosne i Hercegovine.

Nadalje, u toku izvještajnog perioda Posebni odjel II je radio po Internom pravilniku Posebnog odjela II A-249/08 od 12.05.2008. godine, koji je izmijenjen i dopunjen 18.03.2009. godine. Internim pravilnikom regulisan je interni rad odjela i isti je usklađen sa Pravilnikom o unutarnjoj organizaciji i poslovanju Tužiteljstva BiH.

2.2.2. RASPODJELA PREDMETA


U toku 2009. godine, Posebni odjel II je sve do 01.07.2009. godine u svom radu primjenjivao Interne kriterije za raspodjelu predmeta od 20.07.2007. godine (Interni kriteriji) kao kriterije za raspodjelu predmeta unutar odjela Tužilaštva BiH broj A-293/07. Od 01.07.2009. godine u radu Posebnog odjela II primjenjuju se izmijenjeni Kriteriji za raspodjelu predmeta između odjela Tužilaštva BiH broj A-518/09 od 30.06.2009. godine. Prema tim kriterijima Posebnom odjelu II raspodjeljuju se:

1. Svi predmeti organiziranog kriminala, organiziranog privrednog kriminala iz nadležnosti Tužilaštva BiH,
2. Predmeti za krivična djela terorizma iz člana 201. KZ BiH i krivična djela finansiranja terorističkih aktivnosti iz člana 202 KZ BiH.
3. Predmeti za krivična djela trgovine ljudima iz člana 186. KZ BiH i krijumčarenje osoba iz člana 189. KZ BiH, kada se radi o 10 ili više krijumčarenih osoba, odnosno žrtava trgovine ili koji uključuju izuzetno otežavajuće ili posebne okolnosti
4. Predmeti za krivična djela protiv privrede i jedinstva tržišta, te krivična djela iz oblasti carina i glave XVIII čija vrijednost prelazi iznos od 1.000.000,00 KM.
5. Predmeti za krivična djela povrede autorskih prava iz glave XXI čija vrijednost prelazi iznos od 1.000.000,00 KM.
6. Krivična djela u vezi korupcije visokih dužnosnika Bosne i Hercegovine i odgovornih osoba s najvišim funkcijama u privrednim društvima i drugim pravnim osobama.
7. Drugi predmeti u vezi sa ostalim krivičnim djelima, a naročito predmeti krivičnih djela protiv privrede i platnog prometa i krivičnih djela počinjenih od strane službene ili ovlaštene osobe kada je krivično gonjenje od posebne važnosti za Bosnu i Hercegovinu, zbog okolnosti ili načina na koje je djelo izvršeno, o čemu će odlučiti glavni tužilac u dogovoru sa rukovodiocem Posebnog odjela za organizirani kriminal, privredni kriminal i korupciju.

2.2.3. STRUKTURA KRIVIČNIH DJELA U PREDMETIMA POSEBNOG ODJELA II

Rad Posebnog odjela II usmjeren je na predmete koji zadovoljavaju usvojene interne kriterije, odnosno na ozbiljnije i kompleksnije predmete organiziranog kriminala, privrednog kriminala i korupcije. I dalje se najveći broj predmeta po kojima postupaju tužioci Posebnog odjela II odnosi na predmete koje Tužilaštvu BiH prosljeđuju agencije za provođenje zakona u BiH, ali postoji i određeni broj predmeta koji su ustupljeni na nadležnost od strane drugih tužilaštava iz Republike Srpske, Federacije BiH i Brčko Distrikta, kao i predmeti koji su oformljeni na osnovu usmenih ili pismenih

prijava građana. U 2009. godini u Posebnom odjelu II doneseno je novih 45 naredbi o sprovođenju istrage protiv 282 osobe, te je zajedno sa već postojećim istragama iz prethodnog perioda u toku 2009. godine ukupno u radu bilo 157 istraga protiv 764 osobe. Nadalje, donešeno je 5 naredbi o nesprovođenju istrage protiv 14 osoba, dok je u 15 predmeta donešena naredba o obustavi istrage protiv 29 osoba. Podignuto je 28 optužnica protiv 89 osoba, dok je od strane Suda Bosne i Hercegovine potvrđeno 27 optužnica protiv 85 osoba.



Slika 6. Pregled procesnih odluka u Posebnom odjelu za organizirani kriminal, privredni kriminal i korupciju u 2009. godini


Od ukupnog broja predmeta na kojima je rađeno u 2009. godini u Posebnom odjelu II, Sud BiH izrekao je ukupno 29 presuda protiv 81 osobe. U toku izvještajnog perioda Sud BiH je izrekao 23 prvostepene presude u odnosu na 51 osobu u kojim presudama su u odnosu na 22 osobe izrečene različite zatvorske kazne u rasponu od 3 mjeseca do 11 godina i to u ukupnom trajanju od 73 godine zatvora, zatim u odnosu na 28 osoba izrečene su različite uslovne kazni zatvora, te 14 novčanih kazni u ukupnom iznosu od 48.800,00 KM. U isto vrijeme izvršeno je oduzimanje različitih oblika imovinske koristi u ukupnoj vrijednosti od 1.879.577,85 KM. Sud BiH je izrekao 6 pravosnažnih presuda u odnosu na 22 osobe u kojim presudama su u odnosu na 21 osobu izrečene različite zatvorske kazne u rasponu od 3 mjeseca do 12 godina zatvora i to u ukupnom trajanju od 51 godine i 9 mjeseci zatvora, zatim u odnosu na jednu osobu izrečena je uslovna kazna, te 8 novčanih kazni u ukupnom iznosu od 125.000,00 KM.

U isto vrijeme izvršeno je oduzimanje različitih oblika imovinske koristi u ukupnoj vrijednosti od 623.518,43 KM.

Zaključeno je ukupno 15 sporazuma o priznanju krivnje sa ukupno 27 osoba, dok je Sud Bosne i Hercegovine u toku izvještajnog perioda prihvatio sporazume u 15 predmeta sa ukupno 37 osoba.

U odnosu na ostale vrste predmeta, Posebni odjel II je u toku 2009. godine prenio iz ranijih godina 275 KTA predmeta, te zadužio 148 novih KTA predmeta, te je tako radio na ukupno 423 KTA predmeta od kojih je 113 riješeno. Pored

navedenog, Posebni odjel II je u toku izvještajne godine radio na ukupno 10 KTN predmeta koji nisu riješeni, te na ukupno 28 KTZ predmeta u odnosu na 33 osobe, od čega je riješeno 10 KTZ predmeta u odnosu na 10 osoba.



Slika 7. Pregled KTA, KTZ, KTM, KTN predmeta u Posebnom odjelu za organizirani kriminal, privredni kriminal i korupciju u 2009. godini

2.2.4. SARADNJA U BORBI PROTIV ORGANIZIRANOG KRIMINALA

Radi što efikasnijeg istraživanja, okončanja istraga i optuživanja u Tužilaštvu Bosne i Hercegovine, kao organu koji provodi istragu saglasno zakonima Bosne i Hercegovine, u Posebnom odjelu za organizirani kriminal, privredni kriminal i korupciju formirani su tužilački timovi u kojima pored tužilaca koji vode istrage rade i stručni saradnici na krivičnim predmetima i istražitelji.

Ovi tužilački timovi se u svom radu uvezuju sa timovima određene agencije za provođenje zakona u ovisnosti od vrste predmeta na kojima se radi.

Također, kada su u pitanju predmeti u kojima tokom istrage dođe do lišavanja slobode većeg broja osoba (organizirane kriminalne grupe) više tužilačkih timova zajednički rade na takvom predmetu sa ciljem efikasnog, blagovremenog i zakonitog okončanja istrage uz poštovanje svih međunarodnih konvencija koje se odnose na osobe lišene slobode.

U izvještajnom periodu može se istaći zajednička istraga koja je sprovedena sa Specijalnim tužilaštvom za organizovani kriminal Republike Srbije uz učešće policijskih agencija iz Bosne i Hercegovine i Republike Srbije. Istraga je bila usmjerena na razotkrivanje organizirane kriminalne grupe koja je djelovala na području više država, a bavila se neovlaštenim prometom opojnih droga, iznudama, organizacijom i pripremom ubistava, te teškim razbojništvima. Ova istraga je jasno pokazala očigledan napredak u ostvarivanju zajedničke saradnje dviju država, te nesporno jačanje

povjerenja i profesionalnih kapaciteta za razotkrivanje i krivično procesuiranje najsloženijih oblika organiziranog kriminala u ovom dijelu Evrope.

Jedan od najznačajnijih rezultata ove istrage je svakako razotkrivanje određenog broja policijskih službenika koji su bili aktivno umiješani u aktivnosti ove kriminalne organizacije i koji su zloupotrebjavajući svoj položaj, funkciju i ovlaštenja doprinosili izvršenju krivičnih djela za koja se sumnjiče pripadnici ove organizacije.

Na ovaj način jasno je demonstrirana spremnost pravosudnih organa u Bosni i Hercegovini da rješavaju ovakve oblike organiziranog kriminala i korupcije policijskih službenika, kao i policijskih agencija da saraduju u takvim slučajevima, čime se značajno doprinosi jačanju povjerenja javnosti u rad pravosudnih i policijskih organa u Bosni i Hercegovini.

Značajno je takođe istaći da je u četiri primjera podignutih optužnica za krivično djelo organizirani kriminal iz člana 250. u vezi sa krivičnim djelima neovlašteni promet opojnim drogama iz člana 195. KZ BiH vidan napredak i saradnja organa gonjenja i Tužilaštva BiH sa organima gonjenja i tužilaštvima susjednih zemalja, kao i zemalja Evropske unije. U ove četiri optužnice prekinuta su četiri lanca međunarodne trgovine narkotičkim sredstvima koji su se uglavnom kretali iz pravca Turske, Albanije, Srbije preko Bosne i Hercegovine, dalje preko Hrvatske za zemlje Zapadne Evrope. Manji dio opojnih narkotičkih sredstava je ostajao u Bosni i Hercegovini, dok je veći dio išao ka Zapadnoj Evropi.

U ove četiri optužnice optužene su 23 osobe, i to jedan dio kao organizatori, a drugi kao pripadnici zločinačke organizacije. Ukupno je zaplijenjeno oko 300 kg opojne droge „marihuana“ i 4,5 kg opojne droge „heroin“.

Pored ovih optužnica podignuta je i optužnica protiv organizirane grupe koja je iz Srbije krijumčarila krivotvorene novčanice eure u apoenima od po 100,00 eura. Ukupno je zaplijenjeno 100.000,00 eura. Ova akcija sprovedena je u saradnji sa organima gonjenja R. Srbije koja je na osnovu saznanja nastavila rad i otkrivanje pripadnika ove organizirane grupe i na području R. Srbije. Ova akcija popraćena je i od strane Europol.

2.2.5. OSTALE AKTIVNOSTI

U toku izvještajnog perioda, Posebni odjel II je, u saradnji sa ambasadama Kraljevine Španije i SAD-a u Bosni i Hercegovini, organizirao Regionalnu konferenciju tužilaca, koja je održana u periodu od 22. do 24. aprila 2009. godine u Sarajevu na temu „Međunarodna saradnja i pravna pomoć u predmetima sa elementima organizovanog kriminala“. Na pomenutoj konferenciji sudjelovali su tužioci iz Makedonije, Njemačke, Slovenije, Austrije, Srbije, Hrvatske, SAD-a, Italije, Crne Gore i Bosne i Hercegovine.

U saradnji sa Ambasdom Kraljevine Španije u Bosni i Hercegovini putem javnih RTV servisa Bosne i Hercegovine Posebni odjel II provodio je tokom 2009. godine PR kampanju u cilju upoznavanja javnosti sa detaljima rada, dostupnosti informacija i rezultatima rada Posebnog odjela II te sa općim ciljem jačanja vladavine prava u okviru pravosudnog sistema Bosne i Hercegovine, pridobijanja povjerenja građana, te blagovremenog i efikasnog vođenja istraga i procesuiranja predmeta.

2.2.6. PROBLEMI U RADU POSEBNOG ODJELA II

Problemi Posebnog odjela II uočeni u toku 2009. godine, a koji dobrim dijelom potiču i iz ranijeg perioda, ogledaju se u slijedećem:

- ✓ S obzirom da je u decembru mjesecu 2009. godine odlukom visokog predstavnika za Bosnu i Hercegovinu izmijenjen Zakon o Tužilaštvu BiH kojim nije produžen mandat međunarodnim tužiocima kao jedan od

evidentnih problema kako Posebnog odjela II, tako i cjelokupnog tužilaštva, nameće se pitanje zamjene međunarodnih tužilaca domaćim. Konkretno, u Posebnom odjelu II ukupno 5 međunarodnih tužilaca prestalo je sa radom, te je neophodno u što skorije vrijeme izvršiti imenovanje domaćih tužilaca na ta mjesta. Istovremeno, problem predstavlja i postupak angažovanja međunarodnih pravnih savjetnika.

- ✓ nedostatak kancelarijskog prostora koji se direktno odražava na produktivnost osoblja;
- ✓ nedovoljan i neadekvatan prostor za čuvanje aktivnih spisa, kao i arhiviranje završenih spisa, te pohranjivanje privremeno oduzetih predmeta i drugog dokaznog materijala;
- ✓ nedovoljna efikasnost u prikupljanju dokaza putem međunarodne pravne pomoći, te nepostojanje drugih međunarodnih mehanizama koji omogućavaju validnost dokaza prikupljenih u drugim zemljama;
- ✓ nedovoljni ljudski resursi;
- ✓ efikasni i djelotvorni kriteriji za ocjenu rada tužilaca u Posebnom odjelu II nisu doneseni od strane Visokog sudskog i tužilačkog vijeća.

2.3. ODJEL III

Unutrašnjom reorganizacijom Tužilaštva BiH od 09.03.2005. godine uspostavljen je Odjel III.

U svojoj organizacionoj strukturi i načinu ostvarivanja osnovne funkcije Odjel III Tužilaštva BiH je i u 2009. godini zadržao dosadašnju strukturu i formu u radu, što znači da u ovom odjelu ne postoje formirani timovi, s tim da se po potrebi zakazuju kolegiji tužilaca gdje tužioci međusobno ostvaruju saradnju, na način da razmjenjuju mišljenja i iskustva u radu, te zajednički prevazilaze probleme sa kojima su suočeni u radu po zaduženim predmetima.

Tokom 2009. godine, kadrovska struktura ovog odjela nije se značajnije promijenila u odnosu na proteklu godinu, odnosno, predmeti u ovom odjelu raspoređivali su se kao i tokom 2008. godine, na šest (6) tužilaca i jednog od zamjenika glavnog tužioca, koji je ujedno obavljao i dužnost rukovodioca Odjela III.

Broj stručnih savjetnika je u odnosu na prošlu godinu ostao nepromijenjen, tj. podršku u radu ovog odjela je pružao jedan (1) stručni savjetnik, koji je već duži vremenski period iz zdravstvenih razloga odsutan s posla.

Brojčani podaci stručnih saradnika u odnosu na 2008. godinu su nešto drugačiji, s obzirom na odlazak dva stručna saradnika iz ovog odjela u martu 2009. godine, od kojeg perioda su tužiocima Odjela III pomoć u radu pružala preostala tri (3) stručna saradnika, odnosno, jednog stručnog saradnika u svom radu dijelila su dva tužioca, kao što su takođe, prema unaprijed postignutom dogovoru, tužioci dijelili i daktilografe, s obzirom da je ovaj Odjel raspolagao sa šest (6) daktilografa, odnosno tačnije sa pet (5), imajući u vidu da je jedan daktilograf već duži vremenski period iz zdravstvenih razloga bio spriječen obavljati daktilografske poslove.

Zbog manjeg broja daktilografa u odnosu na broj tužilaca u ovom odjelu, dva tužioca su uvijek bila bez stalno angažovanog daktilografa, a poslove koji su isključivo zahtijevali pomoć daktilografa mogli su obavljati samo uz prethodni dogovor sa svojim kolegama, u smislu prilagođavanja radnim obavezama svojih kolega.

Početak jula 2009. godine, veliki priliv predmeta u radu ovog odjela nametnuo je potrebu angažovanja jednog koordinatora predmeta iz Posebnog odjela za ratni zločin na poziciju stručnog saradnika na određeno vrijeme u Odjelu III.

Tokom 2009. godine ovaj odjel je imao i četiri pripravnika, od kojih je jedan, po isteku pripravnčkog staža, bio angažovan na poslovima koordinatora predmeta Odjela III.

Tužiocima ovog odjela stručnu pomoć u radu krivičnih djela carinske prevare, porezne utaje i neplaćanja poreza pružao je savjetnik ekonomske struke, koji je inače prema rasporedu raspoređen u Posebni odjel za organizirani kriminal, privredni kriminal i korupciju.



Slika 7. Organizaciona šema Odjela III

Novousvojene izmjene Internih kriterija za raspodjelu predmeta od 30.06.2009. godine, statistički gledano, prouzrokovale su znatan priliv predmeta iz Posebnog odjela za organizirani kriminal, privredni kriminal i korupciju u Odjel III Tužilaštva BiH, s obzirom da su povećale imovinski cenzus u predmetima krivičnih djela protiv privrede i jedinstva tržišta, krivičnih djela iz oblasti carina i krivičnih djela povrede autorskih prava, koji su prema ranije uspostavljenim internim kriterijima za raspodjelu predmeta od 20.07.2007. godine, inače raspoređivani u rad Posebnom odjelu II. Pored navedenog, povećanje broja krijumčarenih osoba, te osoba - žrtava trgovine ljudima u svim predmetima u odnosu na krivično djelo krijumčarenje osoba iz člana 189. KZ-a BiH i krivično djelo trgovine ljudima iz člana 186. KZ-a BiH, jednim dijelom doprinijelo je takođe dodatnom prilivu predmeta ove vrste u Odjelu III, a što se u krajnjem odrazilo i na ukupan broj predmeta u radu ovog odjela. Pomenutim internim kriterijima od 20.07.2007. godine i izmjenom istih, u nadležnost Odjela III Tužilaštva BiH određeni su slijedeći predmeti:

1. predmeti svih krivičnih djela iz nadležnosti Tužilaštva BiH osim:
 - krivičnih djela iz djelokruga rada Posebnog odjela za ratne zločine u smislu člana II Internih kriterija, za raspodjelu predmeta od 20.07.2007. godine,
 - krivičnih djela iz djelokruga rada Posebnog odjela za organizirani kriminal, privredni kriminal i korupciju u smislu novousvojenih izmjena Internih kriterija od 30.06.2009. godine.
2. predmeti po krivičnim djelima "korupcije" koja počine službene osobe i odgovorne osobe, a koje nisu visoki dužnosnici niti odgovorne osobe s najvišim funkcijama u privrednom društvu ili drugim pravnim osobama u smislu tačke 3. člana III ovih kriterija,
3. predmeti u vezi zahtjeva za izručenje, molbe za pravnu pomoć i pitanja iz oblasti međunarodne pomoći i saradnje,

4. predmeti koji se odnose na sukob nadležnosti i saradnju sa drugim tužilaštvima, sudovima, organima i organizacijama.

U cilju pojašnjenja naprijed navedenog, neophodno je istaći da Odjel III u skladu sa pomenutim kriterijima radi na svim predmetima iz nadležnosti Tužilaštva BiH, uključujući i neke predmete organiziranog kriminala koje glavni tužilac svojom odlukom signira u rad tužiocima ovog odjela, osim predmeta u vezi sa krivičnim djelom terorizma iz člana 201. KZ-a BiH i krivičnim djelom finansiranja terorističkih aktivnosti iz člana 202. KZ-a BiH, te drugih predmeta u vezi sa ostalim krivičnim djelima iz nadležnosti Tužilaštva BiH, među kojim naročito predmeti krivičnih djela upravljenih protiv privrede, platnog prometa i/ili krivična djela počinjena od strane službene ili ovlaštene osobe, uvijek kada je krivično gonjenje u tim predmetima, zbog okolnosti ili načina na koji je djelo izvršeno, od posebne važnosti za Bosnu i Hercegovinu i kada to odluči glavni tužilac u dogovoru sa rukovodiocem Posebnog odjela za organizirani kriminal, privredni kriminal i korupciju.

Nadalje, imovinski cenzus odlučan za raspodjelu predmeta u rad Odjelu III, izmjenama internih kriterija je povećan sa ranijih 100.000,00 KM na 1.000.000,00 KM u odnosu na krivična djela iz glave XVIII KZ-a BiH, tj. krivična djela protiv privrede i jedinstva tržišta, te krivična djela iz oblasti carina, a što je najbolji pokazatelj priliva predmeta u ovom odjelu.

Pored navedenog, pomenute izmjene Internih kriterija takođe su pomakle granicu ranije određenog imovinskog cenzusa i kada su u pitanju krivična djela povrede autorskih prava iz glave XXI KZ-a BiH, budući da su prije ovih izmjena Odjelu III usmjeravani u rad predmeti navedenih krivičnih djela, pod uslovom da imovinska vrijednost pribavljena izvršenjem istih, nije izlazila iz okvira novčanog iznosa od 100.000,00 KM, da bi nakon usvojenih izmjena, imovinski cenzus kada su u pitanju ova krivična djela, bio povećan na 1.000.000,00 KM.

Novousvojeni princip raspodjele predmeta od 30.06.2009. godine, odredio je u nadležnost Odjela III i predmete trgovine ljudima iz člana 186. KZ BiH i krijumčarenje osoba iz člana 189. KZ-a BiH, uvijek kada je u iste involvirano manje od deset (10) žrtava trgovine ljudima ili krijumčarenih osoba, isključujući s tim u vezi predmete, nastale kao posljedica izvršenja krivičnih djela pod izuzetno otežavajućim ili posebnim okolnostima. Posmatrajući ove izmjene internih kriterija s osvrtom na one, koji su prije bili na snazi, evidentno je da je povećanje broja žrtava trgovine ljudima i krijumčarenih osoba u navedenim predmetima nužna posljedica dodatnog priliva predmeta u Odjel III, uzimajući pri tom u obzir da su prema internim kriterijima od 20.07.2007. godine Odjelu III u rad raspoređivani ovi predmeti, samo kada je u iste bilo uključeno manje od pet (5) krijumčarenih osoba ili žrtava trgovine ljudima.

Vrlo je bitno naglasiti postupanje Odjela III po predmetima naprijed naznačenim pod red. brojem 3., odnosno predmetima koji se tiču pružanja međunarodne pravne pomoći i izvršenja međunarodnih ugovora u krivičnopravnim stvarima, odnosno predmetima izručenja osumnjičenih, optuženih i osuđenih osoba (KTZ predmeti). Naime, ovdje se radi o vrlo značajnim predmetima koji predviđaju provođenje postupka ekstradicije, preuzimanje krivičnog gonjenja od strane države, preuzimanje izvršenja krivičnih sankcija izrečenih u drugim državama od strane Bosne i Hercegovine, te pružanje pravne pomoći u smislu provođenja istražnih radnji (prikupljanja dokaza, saslušanja svjedoka i sl.). U ovim predmetima postupa se u skladu sa konvencijama koje je ratifikovala Bosna i Hercegovina, te u skladu sa međunarodnim bilateralnim, odnosno multilateralnim sporazumima koje je Bosna i Hercegovina potpisala sa drugim državama, usljed čega je pružanje pravne pomoći i stvarna obaveza za Bosnu i Hercegovinu.

Pregled međunarodnih multilateralnih ugovora o pravnoj pomoći koji obavezuju Bosnu i Hercegovinu:

- ✓ Evropska konvencija o međusobnom pružanju pravne pomoći u krivičnim stvarima, Strazbur 20.04.1959.g.,
- ✓ Evropska konvencija o ekstradiciji, Pariz, 13.12.1957.g.,
- ✓ Dodatni protokol uz Evropsku konvenciju o ekstradiciji, Strazbur 15.10.1975.g.,
- ✓ Drugi dodatni protokol uz Evropsku konvenciju o ekstradiciji, Strazbur 17.03.1978.g.,
- ✓ Evropska konvencija o prenosu postupka u krivičnim stvarima, Strazbur, 15.03.1972.g.,
- ✓ Evropska konvencija o transferu osuđenih osoba, Strazbur, 21.03.1983.g.,
- ✓ Evropska konvencija o obavještenju o stranom pravu, London, 07.06.1968.g.
- ✓ Dodatni protokol Evropskoj konvenciji o uzajamnoj pomoći u krivičnim stvarima, Strazbur, 17.03.1978. g.

Osim navedenih konvencija, Bosna i Hercegovina je notifikacijom o sukcesiji preuzela veliki broj međunarodnih bilateralnih ugovora o pravnoj pomoći.

Od posebne važnosti za Bosnu i Hercegovinu je ratifikacija Ugovora o autorskom pravu Svjetske organizacije za intelektualno vlasništvo, usvojenog na Diplomatskoj konferenciji 20.01.1996. godine, s obzirom da je u BiH u odnosu na prošlu godinu, evidentan porast krivičnih djela povrede autorskih prava, zbog čega je, u cilju bolje edukacije tužilaca na ovom polju u novembru 2009. godine Centar za edukaciju sudija i tužilaca organizirao četvorodnevni seminar.

2.3.1. STRUKTURA KRIVIČNIH DJELA I BROJ PREDMETA, UKLJUČUJUĆI ZAPRIMLJENE PREDMETE, PREDMETE U RADU, KAO I OKONČANE PREDMETE ODJELA III

2.3.1.1. KT PREDMETI

Tokom 2009. godine Odjel III je imao u radu ukupno 1.184 KT predmeta protiv 1.878 osoba, od kojih je 699 predmeta u odnosu na 1220 prijavljenih osoba preneseno iz ranijih godina, dok je 485 predmeta u odnosu na 658 osoba zaprimljeno tokom izvještajnog perioda.

Tokom 2009. godine tužiocima ovog odjela su u skladu sa zakonom zasnovanim pravima i obavezama u smislu člana 35. ZKP-a BiH, donijeli 314 naredbi o provođenju istrage protiv 468 osoba. Posmatrajući ovu brojku sa osvrtom na proteklu godinu, evidentan je značajan procentualni pomak u radu, s obzirom da je 78,4% otvoreno više istraga (prema 79,3 % osoba više), u odnosu na proteklu godinu.

U izvještajnom periodu, u 79 predmeta donesena je naredba o obustavi istrage prema 106 osoba, u skladu sa odredbama člana 224. ZKP-a BiH, dok je na osnovu odredbi člana 216. st. 3. ZKP-a BiH, 230 predmeta u odnosu na 286 osoba riješeno donošenjem naredbi o neprovođenju istrage, uz popratna obavještenja propisana stavom 4. navedenog člana ZKP-a BiH.


Komparativna analiza 2008. i 2009. godine najbolji je pokazatelj ostvarenih rezultata rada Odjela III tokom 2009. godine i kada je u pitanju rješavanje KT predmeta donošenjem naredbe o neprovođenju istrage, jer je na ovaj način riješeno 111% više predmeta (prema 128,8% više osoba), u odnosu na proteklu godinu, a što se samim tim odrazilo i na ukupan broj donesenih tužilačkih odluka tokom izvještajnog perioda. Na drugi način riješeno je ukupno 65 KT predmeta prema 96 osoba.

Naprijed navedene naredbe o provođenju istrage rezultirale su podizanjem 204 optužnice protiv 275 osoba, što upoređujući sa izvještajnim periodom iz 2008. godine, predstavlja 72,9% više u odnosu na predmete i 59,9% više u odnosu na osobe. U okviru ove brojke, 39 optužnica je u odnosu na 45 osoba bilo sa predloženim krivičnim nalogom.

Nakon potvrđivanja optužnice, tužiocima Odjela III su u 74 predmeta zaključili sporazume o priznanju krivnje sa 93 osobe. Zaključno sa 31.12.2009. godine, Sud Bosne i Hercegovine potvrdio je ukupno 193 optužnice protiv 253 osobe, te izrekao 143 presude (u odnosu na 195 osoba), od kojih 139 osuđujućih (prema 181 osobi) i to: u 29 predmeta (prema 37 osoba) izrečena je zatvorska kazna u rasponu od 2 mjeseca do 5 godina, u 16 predmeta (prema 17 osoba) izrečena je novčana kazna u ukupnom novčanom iznosu od 145.700,00 KM, dok je u 94 predmeta prema 127 osoba izrečena uslovna osuda.

U izvještajnom periodu, Sud BiH je donio 3 oslobađajuće presude u odnosu na 4 osobe, te 1 odbijajuću presudu prema 10 osoba. U Odjelu III nijedna optužnica nije povučena, niti je bilo odustanka od istih. Nezadovoljni donesenim odlukama Suda BiH, tužiocima ovog odjela uložili su 5 žalbi (u odnosu na 16 osoba), od kojih su dvije žalbe (prema 11 osoba) uvažene, jedna je odbijena (prema jednoj osobi), a u preostale 2 žalbe do kraja izvještajnog perioda nije donesena sudska odluka.

Najveći broj podignutih i potvrđenih optužnica Odjela III odnosio se na krivično djelo krivotvorenje novca iz člana 205. KZ BiH i krivično djelo nedozvoljeno korištenje autorskih prava iz člana 243. KZ BiH. Prijave u vezi ovih krivičnih djela imaju, u odnosu na prošlogodišnji izvještajni period, stalnu tendenciju rasta.



Slika 8. Pregled procesnih odluka u Odjelu III u 2009. godini

2.3.1.2. KTA PREDMETI

U periodu od 01.01. do 31.12. 2009. godine Odjel III je imao u radu ukupno 1131 KTA predmet, od kojih je u izvještajnoj godini zaprimljeno 454 predmeta, dok je 677 predmeta preneseno iz ranijih godina. Tužiocima Odjela III su u 2009. godini završili ukupno 543 predmeta, tako da je u radu ostalo 588 neriješenih KTA predmeta. U 2009. godini nastavljen je veliki priliv KTA predmeta, s tim da je broj završenih predmeta u ovoj godini u odnosu na proteklu, veći za 63%.

2.3.1.3. KTZ PREDMETI

U 2009. godini Odjel III je imao u radu 280 predmeta u vezi sa 333 osobe, koji se odnose na postupke pružanja međunarodne pravne pomoći, izručenja osoba i izvršenja inostranih sudskih odluka, od kojih je u navedenoj godini zaprimljeno 207 predmeta u vezi sa 245 osoba, dok su 73 predmeta u vezi sa 88 osoba prenijeta iz ranijih godina. Od ukupnog broja KTZ predmeta završeno je 216 u vezi sa 255 osoba, tj. 16% predmeta više u odnosu na 2008. godinu, dok je u radu ostalo još 64 predmeta u odnosu na 78 osoba.

2.3.1.4. KTM PREDMETI

U pogledu predmeta koji se odnose na maloljetne počiniocima krivičnih djela, Odjel III je u 2009. godini imao u radu ukupno 41 predmet u odnosu na 69 osoba, od kojih je iz ranijih godina ostalo u radu 28 predmeta u odnosu na 51 osobu, dok je u 2009. godini zaprimljeno 13 predmeta u odnosu na 18 osoba. Tokom 2009. godine, od ukupnog broja predmeta koji se odnose na maloljetne počiniocima krivičnih djela, tužiocima Odjela III su donijeli 10 naredbi o nepokretanju postupka prema 10 osoba, te 7 prijedloga za pokretanje pripremnog postupka u odnosu na 14 maloljetnih počinitelja krivičnih djela. U jednom predmetu prema 2 maloljetne osobe je obustavljen pripremi postupak, tako da je u 2009. godini ostalo neriješeno 23 KTM predmeta u odnosu na 43 osobe.

2.3.1.5. KTN PREDMETI


Protiv nepoznatih počinitelja krivičnih djela, Odjel III je u izvještajnom periodu imao u radu ukupno 291 predmet, od kojih je iz ranijih godina preneseno 47 predmeta, dok su u 2009. godini zaprimljena 244 predmeta. Na kraju izvještajnog perioda tužiocima Odjela III riješili su 212 predmeta, dok je u radu ostalo još 79 predmeta. U izvještajnoj godini Odjel III je u odnosu na 2008. godinu imao za 20% manje riješenih predmeta, s obzirom da je otkrivanje nepoznatih počinitelja krivičnih djela isprepletano sa brojnim poteškoćama.

2.3.1.6. A PREDMETI

Odjel III je u 2009. godini imao u radu i 137 A predmeta, od kojih su 43 predmeta ostala u radu Tužilaštva BiH iz ranijih godina, dok su u 2009. godini zaprimljena 94 predmeta. Od ukupnog broja A predmeta, ovaj odjel je okončao 75 predmeta, dok su 62 predmeta ostala u radu.

Dakle, od ukupno 2.542 predmeta kojima je u 2009. godini bio zadužen Odjel III, tužiocima ovog odjela su završili 1.567 predmeta.

Tužiocima kao i stručnim saradnicima, stručnim savjetnicima i pripravnicima Odjela III su u 2009. godini, u cilju stručnog osposobljavanja, sudjelovali na seminarima održanim u organizaciji Centara za edukaciju sudija i tužilaca, te su svi ispunili obavezni broj dana prisustvovanja seminarima (četiri dana za tužioce, osam za stručne saradnike, savjetnike i pripravnike). Pored naprijed navedenog, tužiocima Odjela III (dva tužioca) su stalni članovi Udarne grupe za borbu protiv terorizma i jačanja sposobnosti za borbu protiv terorizma i pored činjenice da krivično djelo terorizma više nije u nadležnosti ovog odjela. Radni sastanci ove Udarne grupe su se održavali i u 2009. godini u toku radnog vremena kao redovni sastanci, što je u izvjesnoj mjeri umanjilo mogućnost tužilaca da ovo vrijeme iskoriste za rad po zaduženim predmetima.



Slika 9. Pregled KTA, KTZ, KTM, KTN i A predmeta u Odjelu III za 2009. godinu

2.3.2. PROBLEMI U RADU ODJELA III

Glavni problemi s kojima se u radu suočava Odjel III su:

- ✓ Kako u ovom odjelu ima veliki broj predmeta, iako su tužiocima Odjela III u 2009. godini okončali 1.567 predmeta, u narednu godinu je preneseno 975 neriješenih predmeta, sa kojima će tužiocima Odjela III i pored znatnih pomaka ostvarenih u radu tokom 2009. godine (u odnosu na 2008. godinu), ući u novu izvještajnu godinu, što će im imajući u vidu novi očekivani priliv predmeta u 2010. godini, bez angažovanja dodatnih tužilaca, predstavljati veliki teret u radu, s obzirom na složenost određenih predmeta, koji zahtijevaju maksimalni angažman u radu, a time često i duži vremenski period potreban za njihovo okončanje.
- ✓ Uprkos tome što je Odjel III odjel sa najvećim prilivom predmeta u Tužilaštvu BiH, koji je u velikoj mjeri uzrokovan novousvojenim izmjenama Internih kriterija za raspodjelu predmeta od 30.06.2009. godine, kao i

prethodnih godina, Odjel III je i dalje ostao odjel sa najmanjim brojem tužilaca, iz kog razloga se i dalje nameće potreba za povećanjem broja tužilaca za najmanje još tri nova tužioca.

- ✓ Veliki problem u radu predstavlja takođe nedovoljan broj stručnih saradnika, pripravnika kao i daktilografa, jer tužioci koji nemaju stalno angažovanog daktilografa, rad na predmetima koji zahtijevaju daktilografsku pomoć moraju prilagoditi obavezama svojih radnih kolega, zbog čega često sa istim dolaze u situaciju vremenskog preklapanja zakazanih ročišta za ispitivanje osumnjičenih i saslušanje svjedoka.
- ✓ Uzimajući u obzir činjenicu potrebe imenovanja novih tužilaca, kao i osoblja koje je neophodno za normalan rad tužilaca, kao vrlo bitan problem nameće se pitanje smještaja eventualno novoprimitljenih djelatnika, obzirom da su smještajni kapaciteti Odjela III popunjeni u cjelosti.
- ✓ Također treba naglasiti činjenicu da, u odnosu na ostala dva odjela, samo Odjel III u radu ne uživa podršku Ureda registrara BiH.
- ✓ Kako se samo u ovom odjelu Tužilaštva BiH obavljaju poslovi pružanja međunarodne pravne pomoći svi tužioci su, osim učešća na seminarima održanim u organizaciji Centara za edukaciju sudija i tužilaca, bili obavezni sudjelovati u radu brojnih seminara i konferencija koji su održani u organizaciji raznih državnih ustanova i institucija te nevladinih organizacija, što je za njih predstavljalo dodatno opterećenje.
- ✓ Značajno je ovdje istaći da je jedan od tužilaca Odjela III kontakt tačka za pružanje međunarodne pravne pomoći, u okviru mreže tužilaca Jugoistočne Evrope. Pored navedenog, nerijetko obaveze prisustva na međunarodnim konferencijama i seminarima padaju na teret tužilaca Odjela III, a što zahtijeva određene pripreme i odsustvo s rada, pa se to u krajnjem odražava i na broj tužilačkih odluka, pored svih drugih problema u ovom odjelu.
- ✓ Tokom izvještajnog perioda, nastavljen je i priliv velikog broja KTA predmeta, u kojima materijal dostavljen od strane policijskih agencija o istim predstavlja obavještajne podatke iz kojih nisu proizlazili osnovi sumnje da su počinjena krivična djela, koji predmeti su zahtijevali angažovanje tužilaca u radu po istim, a koje angažovanje ih je i ove godine, kao i prošle, onemogućavalo da sve snage preusmjere na rad po KT predmetima. Osim navedenog, veliki problem u radu također predstavlja i nedostatak samostalnosti u radu policijskih organa, kao i dostava često nepotpune dokumentacije, koja samim tim usporava rad tužilaca.

S obzirom na navedeno, potrebno je da se u Odjelu III poveća broj tužilaca, stručnih saradnika, pripravnika i daktilografa, kako bi se tužiocima ovog odjela obezbijedili optimalni uslovi za rad.

3. UKUPAN RAD TUŽILAŠTVA BOSNE I HERCEGOVINE U PREDMETIMA U ODNOSU NA POZNATE POČINIOCE KRIVIČNIH DJELA

Kolona „Privredni kriminal“ predstavlja brojčani pokazatelj koji se odnosi na krivična djela iz glava XVIII i XIX Krivičnog zakona Bosne i Hercegovine i predstavlja zbirne podatke o radu Odjela II i III Tužilaštva BiH na toj vrsti predmeta (imajući na umu Interne kriterije o raspodjeli predmeta, o kojima je bilo riječi u prethodnim glavama ove Informacije). Kolona „Opći kriminal“ predstavlja brojčani pokazatelj preostalih krivičnih djela iz Krivičnog zakona Bosne i Hercegovine i također predstavlja zbirne podatke o radu Odjela II i III Tužilaštva BiH, izuzev pojedinih krivičnih djela iz glave XVII KZ BiH koja su svrstana u kolonu „Ratni zločin“ i po kojima postupuje Odjel I.

Tabela I: Podaci o prijavama iskazani po predmetima/osobama za period 01.01.-31.12.2009.

Vrsta predmeta "Kt"	Neriješeno prijava iz ranijih godina	Primljeno prijava u toku izvještajnog perioda	Ukupno u radu prijava u toku izvještajnog perioda	Riješeno prijava u toku izvještajnog perioda	Djelimično riješeno prijava u toku izvještajnog perioda-predmeti	Neriješeno prijava na kraju izvještajnog perioda
KOLONA =	I	II	III	IV	V	VI
			(III = I+II)			VI = III - IV
Privredni kriminal	399/710	387/629	786/1339	436/681	15	350/658
Ratni zločin	271/2404	94/382	365/2786	57/162	5	308/2624
Opći kriminal	204/497	203/510	407/1007	211/468	6	196/539
Ukupno	874/3611	684/1521	1558/5132	704/1311	25	854/3821

Tabela II: Podaci o istragama iskazani po predmetima/osobama za period 01.01.-31.12.2009.

Vrsta predmeta "Kt"	Neriješene istrage iz ranijih godina	Naređeno istraga u toku izvještajnog perioda	Ukupno u radu istraga u toku izvještajnog perioda	Ukupno riješeno istraga u toku izvještajnog perioda	Djelimično riješeno istraga u toku izvještajnog perioda	Broj <u>neriješenih</u> istraga na kraju izvještajnog perioda
KOLONA =	I	II	III	IV	V	VI
			(III = I+II)			VI = III - IV
Privredni kriminal	131/274	239/424	370/698	191/317	10	179/381
Ratni zločin	299/987	33/103	332/1090	39/79	16	293/1011
Opći kriminal	108/429	133/327	241/756	116/221	9	125/535
Ukupno	538/1690	133/854	943/2544	346/617	35	597/1927

Tabela III: Vrste procesnih odluka donesenih u Kt predmetima/osobama u periodu 01.01.-31.12.2009.

Vrsta predmeta "Kt"	U fazi rješavanja prijava			U fazi rješavanja istraga		
	Broj naredbi o neprovođenju istrage	Broj naredbi o provođenju istrage	Riješeno na drugi način	Broj naredbi o obustavi istrage	Broj podignutih optužnica	Riješeno na drugi način
KOLONA =	I	II	III	IV	V	VI
Privredni kriminal	206/242	239/424	5/15	66/95	134	12/15
Ratni zločin	13/38	33/103	16/21	21/46	18	16/2
Opći kriminal	29/58	133/327	55/83	27/40	97	11/24
Ukupno	248/338	405/854	76/119	114/181	249/395	39/41

Tabela IV: Podaci o podignutim optužnicama iskazani po predmetima/osobama

Vrsta predmeta "Kt"	Broj optužnica podignutih prije izvještajnog perioda, a u kojima do 01.01.2009. nije bila donesena odluka o potvrđivanju ili odbijanju potvrđivanja	Ukupan broj podignutih optužnica u toku izvještajnog perioda	Ukupan broj podignutih optužnica*	Ukupan broj potvrđenih optužnica u toku izvještajnog perioda*	Broj optužnica čije je potvrđivanje odbijeno	Broj optužnica povučenih prije donošenja odluke o potvrđivanju	Broj optužnica podignutih u toku izvještajnog perioda, a u kojima sa 31.12.2009. nije donesena odluka o potvrđivanju ili odbijanju potvrđivanja
KOLONA =	I	II	III*	IV*	V	VI	VII
			III = I+II				
Privredni kriminal	2/2	134/207	136/209	125/187	1/2	0	10/20
Ratni zločin	0	19/33	19/33	18/31	1/2	0	0
Opći kriminal	0	97/157	97/157	95/151	1/2	0	1/4
Ukupno	2/2	250/397	252/399	238/369	3/6	0	11/24

Vrsta predmeta "Kt"	Broj optužnica podignutih u toku izvještajnog perioda*			Broj potvrđenih optužnica u toku izvještajnog perioda*		
	sa krivičnim nalogom	bez krivičnog naloga	sa predloženim sporazumom o priznanju krivnje	sa krivičnim nalogom	bez krivičnog naloga	sa predloženim sporazumom o priznanju krivnje
KOLONA =	VIII	IX	X	XI	XII	XIII
Privredni kriminal	18/24	116/183	0	19/24	106/163	0
Ratni zločin	0	19/33	0	0	18/31	0
Opći kriminal	23/26	74/131	0	23/26	72/125	0
Ukupno	41/50	209/347	0	42/50	196/319	0

Tabela V: Podaci o vremenskoj strukturi potvrđenih, a neriješenih optužnica iskazanih po predmetima/osobama za period 01.01.-31.12.2009.

Vrsta predmeta "Kt"	Broj neriješenih potvrđenih optužnica pred sudom u toku izvještajnog perioda							Broj predmeta u kojima je optužnica riješena donošenjem odluke suda u toku izvještajnog perioda:	Broj neriješenih potvrđenih optužnica na kraju izvještajnog perioda
	optužnice potvrđene prije 01.01.2005.	optužnice potvrđene u toku 2005.	optužnice potvrđene u toku 2006.	optužnice potvrđene u toku 2007.	optužnice potvrđene u toku 2008.	optužnice potvrđene u toku 2009.	Ukupno		
KOLONA =	I	II	III	IV	V	VI	VII (VII = I+II+III+IV+V+VI)	VIII	IX (IX= VII - VIII)
Privredni kriminal	4/42	4/8	4/5	9/11	29/42	125/187	175/295	89/132	86/163
Ratni zločin	0	0	3/9	5/12	16/24	18/31	42/76	15/22	27/54
Opći kriminal	4/12	1/1	1/1	8/23	29/58	95/151	138/246	96/143	42/103
Ukupno	8/54	5/9	0	22/46	74/124	238/369	355/617	200/297	155/320

Tabela VI: Podaci o vrstama sudskih odluka iskazani po predmetima/osobama za period 01.01.-31.12.2009.

Vrsta predmeta "Kt"	Broj predmeta u kojima je donesena odluka u toku izvještajnog perioda:						Ukupno osuđujućih presuda	Ukupan broj donesenih sudskih odluka	Broj predmeta u kojima je povučena optužnica nakon potvrđivanja do početka glavnog pretresa	Broj predmeta u kojima je došlo do odustanka a od optužnice do završetka glavnog pretresa
	Rješenja o obustavi postupka	Odbijajuće presude	Oslobađajuće presude	IV zatvorska	V novčana	VI uslovna				
KOLONA =	I	II	III	IV zatvorska	V novčana	VI uslovna	VII = IV+V+VI	VIII VIII = I+II+III+V II	IX	X
Privredni kriminal	1/1	1/4	3/5	23/31	7/11	54/80	84/122	89/132	1/1	0
Ratni zločin	1/1	1/1	2/4	11/16	0	0	11/16	15/22	1/1	0
Opći kriminal	0	2/11	5/10	19/33	8/9	53/80	80/122	87/143	0	0
Ukupno	2/2	4/16	10/19	53/80	15/20	107/160	191/260	191/297	2/2	0

Vrsta predmeta "Kt"	Sporazumi o priznanju krivnje			
	broj predloženih sporazuma	broj odbačenih sporazuma	osuđujuće presude po sporazumu o priznanju krivnje	broj predloženih sporazuma o kojima sud nije odlučio
KOLONA =	VIII	IX	X	XI
Privredni kriminal	55/75	0	52/70	3/5
Ratni zločin	5/5	0	5/5	0
Opći kriminal	35/56	0	30/62	5/7
Ukupno	95/136	0	87/137	8/12

4. DRUGI ASPEKTI DJELOVANJA

4.1. AKTIVNOSTI NA UNAPREĐENJU SARADNJE SA AGENCIJAMA ZA PROVOĐENJE ZAKONA

U aprilu mjesecu 2008. godine od strane Vlade Velike Britanije odobren je Projekat Visokog sudskog i tužilačkog vijeća Bosne i Hercegovine pod nazivom „Uspostava boljih mehanizama saradnje između policije i tužilaštava u BiH“. Svrha pomenutog projekta je unapređenje postojećih i usvajanje novih mehanizama saradnje policije i tužilaštava, s ciljem efikasnije borbe protiv svih vrsta kriminala u BiH. Operativni ciljevi projekta odnosili su se na izradu nepostojećih podzakonskih akata i harmonizaciju postojećih podzakonskih akata, uspostavljanje kontinuirane zajedničke edukacije policije i tužilaca, usaglašavanje evidencija i statistika, te izradu analize mogućnosti za uspostavljanje krivičnih i drugih evidencija, kojima bi pristup imala i policija i tužilaštvo. Kao rezultat učešća u radu Radne grupe u okviru pomenutog projekta, glavni tužilac Tužilaštva Bosne i Hercegovine je u skladu sa Zakonom o Tužilaštvu BiH i Pravilnikom o unutrašnjoj organizaciji i poslovanju Tužilaštva BiH, dana 30.09.2009. godine donio Uputstvo o postupanju i saradnji ovlaštenih službenih lica (policijskih službenika) i tužilaca u provođenju radnji dokazivanja u toku istrage pod brojem A-574/09. Ovim Uputstvom regulisano je postupanje i saradnja ovlaštenih službenih osoba (policijskih službenika) i tužilaca u otkrivanju krivičnih djela i počinitelaca, postupak preduzimanja radnji dokazivanja u toku provođenja istrage (bez obzira da li je naređena istraga ili ne) i postupak posebnih istražnih radnji. Uputstvo reguliše čitav niz radnji, počev od prijavljivanja krivičnog djela i međusobnog obavještanja, ispitivanja osumnjičenih, saslušanja svjedoka, uviđaja, rekonstrukcija događaja, vještačenja, ekshumacija, radnji u vezi sa lišavanjem slobode, zatim pitanja međusobne komunikacije i planiranja između tužilaca i ovlaštenih službenih osoba, primjenu posebnih istražnih radnji kao i pitanja odnosa s javnošću.

U cilju pravilne primjene Uputstva, predviđena je i primjena obrazaca koji čine sastavni dio Uputstva, a odnose se na:

- ✓ Obavještenje policije o primljenoj pismenoj prijavi;
- ✓ Obavještenje policije o prijemu usmene prijave;
- ✓ Službena zabilješka o usmenom obavještenju policije o saznanju da je izvršeno krivično djelo;
- ✓ Službena zabilješka o usmenom obavještanju tužilaštva o saznanju da je izvršeno krivično djelo i potrebi obavljanja uviđaja;
- ✓ Obavještenje tužilaštva o primljenoj pismenoj prijavi;
- ✓ Obavještenje tužilaštva o prijemu usmene prijave;
- ✓ Obavještenje oštećenom o neprovođenju istrage;
- ✓ Naredba o provođenju istrage;
- ✓ Zapisnik o ispitivanju osumnjičenog;
- ✓ Zapisnik o saslušanju svjedoka;
- ✓ Zapisnik o uviđaju;
- ✓ Naredba za vještačenje po vještaku ili po stručnoj ustanovi ili državnom organu;
- ✓ Zapisnik o predaji osobe lišene slobode nadležnom tužiocu;
- ✓ Obavještenje oštećenom o obustavi istrage.

Predmetno Uputstvo zajedno sa obrascima ima za cilj podizanje nivoa efikasnosti i harmonizacije u postupanju tužilaca i ovlaštenih službenih osoba u provođenju radnji dokazivanja u toku istrage, te je s tim u vezi Uputstvo upućeno svim Agencijama za provođenje zakona u Bosni i Hercegovini, dok su u Tužilaštvu BiH svi postojeći podzakonski akti koji se odnose na pitanja regulisana Uputstvom usklađena sa istim.

Pored pomenutog Uputstva, rezultat rada na projektu ostvaren u izvještajnom periodu jeste i izrada prijedloga Sporazuma o saradnji u provođenju zajedničke edukacije policije i tužilaca, Poslovnika o radu radnog tijela za provođenje navedenog sporazuma, Nastavnog plana i programa seminara za edukatore iz policije i tužilaštva, obrazaca za usaglašavanje evidencija i statistika, izrada Studije izvodljivosti – pregled – analiza trenutnog pravnog, institucionalnog, organizacionog i tehničkog potencijala BiH za omogućavanje brzog pristupa krivičnim i drugim evidencijama za potrebe policije i tužilaštva.

4.2. AKTIVNOSTI KROZ UDARNE GRUPE

4.2.1. UDARNA GRUPA ZA BORBUTRGOVINE LJUDIMA I ORGANIZIRANE ILEGALNE IMIGRACIJE

Odlukom Vijeća ministara ("Službeni glasnik BiH" br. 3/04) formirana je Udarne grupa za borbu protiv trgovine ljudima i organizirane ilegalne imigracije, kao oblika organiziranog kriminala. Udarne grupa djeluje na području cijele Bosne i Hercegovine i u njen sastav ulaze predstavnici tužilaštava, organa unutrašnjih poslova, poreznih organa, finansijske policije, granične policije, dakle svi koji mogu dati doprinos u borbi protiv trgovine ljudima i ilegalne imigracije.

Udarne grupa blisko saraduje sa Državnim koordinatorom za borbu protiv trgovine ljudima i ilegalne imigracije, te sa Evropskom policijom, Ministarstvom pravde pri Ambasadi SAD u Sarajevu, ICITAP-om, međunarodnom organizacijom za imigracije IOM i različitim nevladinim organizacijama koje se bave zaštitom žrtava trgovine ljudima: Udruženje „HO međunarodni Forum solidarnosti", Udruženje "Žena BiH" Mostar, Organizacija žena "Lara" Bijeljina, Fondacija "La strada" Bosna i Hercegovina, Centar za terapiju žena "Medica" Zenica, Udruženje "Vaša prava" Bosna i Hercegovina i drugim..

Udarne grupa je nadležna da, pod neposrednim rukovođenjem glavnog tužioca Tužilaštva BiH, osigurava saradnju nadležnih organa i organizacija, provodi istraživanje i obrazuje operativne istražne timove koji rade na prikupljanju i razmjeni relevantnih podataka i informacija vezano za slučajeve trgovine ljudima i vezane ilegalne imigracije, a sve u cilju njihovog suzbijanja. U sastav Udarne grupe, kao stručni predstavnici ispred Tužilaštva BiH, ulaze i dva tužioca Posebnog odjela II.

U 2005. godini sačinjene su Procedure za postupanje sa žrtvama trgovine ljudima u Bosni i Hercegovini, u skladu sa Konvencijom UN-a u borbi protiv transnacionalnog organiziranog kriminala i njenog Protokola za sprječavanje, zaustavljanje i kažnjavanje trgovine ljudima, drugim međunarodnim konvencijama i protokolima, te pozitivnim propisima Bosne i Hercegovine.

Tokom izvještajnog perioda, uz finansijsku i operativnu pomoć Udarne grupe, nastavljeno je vođenje istraga u nekoliko predmeta Tužilaštva Bosne i Hercegovine iz oblasti trgovine ljudima, a pomoć se u najvećem dijelu ogledala kroz finansiranje posebnih istražnih radnji. Jedna od ovih istraga okončana je podizanjem optužnice po kojoj je Sud Bosne i Hercegovine donio prvostepenu, osuđujuću presudu. U ovom periodu otvoreno je i nekoliko novih predmeta krijumčarenja osoba koji se vode uz podršku ove udarne grupe.

4.2.2. UDARNA GRUPA ZA BORBU PROTIV TERORIZMA I JAČANJA SPOSOBNOSTI ZA BORBU PROTIV TERORIZMA

U 2004. godini, Odlukom Vijeća ministara Bosne i Hercegovine, uspostavljena je Grupa za borbu protiv terorizma i jačanja sposobnosti za borbu protiv terorizma (Udarne grupa) i ista radi pod vodstvom Tužilaštva Bosne i Hercegovine i nadzorom Ministarstva sigurnosti BiH. Osnivanjem Udarne grupe za otkrivanje krivičnih djela terorizma i finansiranja terorizma, institucionalizovana je borba protiv terorizma u Bosni i Hercegovini.

Od momenta osnivanja ove Udarne grupe Tužilaštvo Bosne i Hercegovine je osiguralo saradnju i koordiniralo rad organa koji sudjeluju u borbi protiv terorizma, prikupljanjem informacija o mogućim počiniocima krivičnog djela terorizma na području Bosne i Hercegovine i provodeći istrage.

Aktivnosti Tužilaštva Bosne i Hercegovine u ovom segmentu ogledale su se prvenstveno na otkrivanju mreže koja osigurava finansijsku i svaku drugu potporu osobama za koje se sumnja da su povezane sa pojedincima, pravnim osobama ili udruženjima čije djelovanje ukazuje na krivična djela Terorizma.

U okviru svojih aktivnosti i u toku 2009. godine Udarne grupa pratila je aktivnosti određenih osoba i tokove novca, odnosno novčane transakcije tih osoba, odnosno organizacija za koje postoji sumnja da se, između ostalih aktivnosti, bave i finansiranjem osoba koje bi se mogle povezati sa terorizmom.

Problem sa kojim se u 2008. godini suočila Udarne grupa za borbu protiv terorizma i jačanja sposobnosti za borbu protiv terorizma jest činjenica da je obustavljena isplata novčanih sredstava predviđenih za naknadu za rad članovima Udarne grupe, koji je i pored preduzimanih aktivnosti od same Udarne grupe u smislu iznalaženja rješenja i u toku 2009. godine ostao aktuelan i dalje se negativno odražavao na rad ove Udarne grupe.

4.3. AKTIVNOSTI NA EDUKACIJI

4.3.1. OBAVEZNA EDUKACIJA

Uspostavljanjem Centara za edukaciju sudija i tužilaca u Federaciji Bosne i Hercegovine i Republici Srpskoj, isti su postali ravnopravni članovi Lisabonske mreže institucija koja djeluje u oblasti edukacije sudija i tužilaca u državama članicama Vijeća Evrope, a obaveza svakog tužioca, prema entitetskim zakonima o Centrima za edukaciju, je provođenje minimalne edukacije od četiri dana godišnje.

U 2009. godini, tužioci Tužilaštva BiH (državljeni Bosne i Hercegovine), pored pohađanja obaveznih zakonom propisanih seminara, aktivno su se uključili i u ostale procese edukacije tužilaca, a isto tako su bili angažovani kao edukatori, predavači i moderatori, te su prenosili svoja znanja i iskustva sudionicima seminara.

U organizaciji i entitetskih Centara za edukaciju, te saorganizaciji UNODOC-UN-ovog Ureda za droge i kriminal, OSCE-a, Ministarstva pravde BiH, Policijske akademije Republike Srpske, Pravosudne komisije Brčko Distrikta BiH, Policijske akademije Federalne uprave policije BiH, Odsjeka za stručno obrazovanje i usavršavanje Policije BD BiH, Odsjeka za obuku i operativne treninge Državne agencije za istrage i zaštitu BiH, Centra za obuku Granične policije BiH, Udruženja sudija/sudaca u FBiH, Ministarstva pravde SAD Ureda za razvoj pomoć i obuku tužilaštava u prekomorskim zemljama OPDAT, Međunarodnog komiteta Crvenog krsta/križa, UNDP-a, Agencije za ravnopravnost spolova BiH i Gender centra u FBiH, kao i Ambasade SAD u BiH, putem Programa pomoći Odjela za razvoj tržišnog prava Ministarstva finansija i trgovine SAD (CLDP), tužioci Tužilaštva BiH svoje znanje su proširivali na seminarima i konferencijama na slijedeće teme:

- ✓ Krivična djela terorizma - terorizam i finansiranje
- ✓ Druga konferencija edukatora Bosne i Hercegovine
- ✓ Međunarodna pravna pomoć u krivičnim stvarima
- ✓ Metode i sadržaj edukacije i stručnog usavršavanja sudija i tužilaca
- ✓ Glavni tužioci i sekretari tužilaštava
- ✓ Istraga, Zakonitost dokaza
- ✓ Pravna medicina i forenzika
- ✓ Krivična djela podmićivanja i krivična djela protiv službene i druge odgovorne dužnosti
- ✓ Upravljanje oduzetom imovinom
- ✓ Stvarno pravo - sticanje prava svojine/vlasništva/i zemljišne knjige
- ✓ Praksa i kriteriji procjene postojanja opasnosti od odlaganja u postupku preduzimanja nekih radnji dokazivanja
- ✓ Tumačenje nacionalnih propisa u skladu sa smjernicama i direktivama Evropske unije
- ✓ Brokersko i berzansko poslovanje
- ✓ Pravo na odbranu i obavezne dane
- ✓ Preduzimanje radnji dokazivanja u istrazi pod nadzorom tužioca i zakonitost pribavljenih dokaza
- ✓ Uspostava boljih mehanizama saradnje između policije i tužilaštava u BiH
- ✓ Pravna medicina i forenzika-napredni kurs
- ✓ Oštećeni i svjedoci u krivičnom postupku
- ✓ Ratni zločini (izbor istražnih radnji, metoda i tehnike u istraživanju ratnih zločina)
- ✓ Modul 3 - Krivična oblast
- ✓ Krivična djela protiv privrede, poslovanja i sigurnosti platnog prometa
- ✓ Preduzimanje radnji dokazivanja u istrazi pod nadzorom tužioca i zakonitost pribavljenih dokaza
- ✓ VIII Savjetovanje iz krivične oblasti
- ✓ Međunarodno humanitarno pravo
- ✓ Stručno savjetovanje za tužioce 2009, Efikasan i usklađen pristup u radu na složenim predmetima
- ✓ Oštećeni i svjedoci u krivičnom postupku
- ✓ Analiza presuda Evropskog suda za ljudska prava
- ✓ Krivična djela podmićivanja i krivična djela protiv službene i druge odgovorne dužnosti (krivična djela korupcije i organiziranog kriminala)
- ✓ Ratni zločini (Elementi pojedinih krivičnih djela ratnih zločina)
- ✓ Glavni pretres odlaganje i prekidanje
- ✓ Ravnopravnost spolova
- ✓ VI Savjetovanje pravnika – Oktobarski pravnički dani
- ✓ Krivična djela protiv sistema elektronske obrade podataka
- ✓ Postupak za izdavanje uhidbenog naloga
- ✓ Krivična djela iz oblasti poreza i carina

- ✓ Konferencija o programu edukacije i stručnog usavršavanja sudija i tužilaca u 2010. godini
- ✓ Oduzimanje imovinske koristi pribavljene krivičnim djelom
- ✓ Međunarodno pravo, evropsko pravo i međunarodni standardi
- ✓ Donošenje presude u slučajevima kršenja prava intelektualnog vlasništva
- ✓ Obuka nosilaca pravosudne funkcije za primjenu etičkih kodeksa, kao i
- ✓ Izvršenje odluke stranog suda (izvršenje na dionicama i ostalim registriranim vrijednosnim papirima, te članskim udjelima u pravnom licu).

4.3.2. DRUGI VIDOVI EDUKACIJE

Tužioci Tužilaštva BiH su kao predavači-edukatori, te kao sudionici, sudjelovali na mnogim stručnim konferencijama i specijalističkim obukama u organizaciji nevladinih organizacija i raznih državnih institucija.

Ove stručne edukacije odnosile su se, između ostalog, na saradnju tužilaca i policije, provođenje posebnih istražnih radnji i presretanja telekomunikacija, borbu protiv oblika elektronskog i kompjuterskog kriminala, kao i terorizma i organiziranog kriminala.

U okvirima međunarodne saradnje tužioci Tužilaštva BiH, kao i stručno osoblje, sudjelovali su u realizaciji stručnih obuka iz oblasti krivičnog gonjenja najtežih oblika organiziranog kriminala, pranja novca u međunarodnim finansijskim tokovima.

Tužioci Tužilaštva BiH sudjelovali su na stručnim seminarima gdje su predavači iz zemalja Evropske unije educirali svoje kolege iz BiH i regiona za prepoznavanje, prikupljanje dokaza i procesuiranje krivičnih djela u kojima se zloupotrebljavaju savremena tehnološka dostignuća kao što je elektronski kriminal, zloupotreba bankovnih kartica, prevare putem računarskih sistema, kao i krivična djela zloupotrebe interneta za finansijski kriminal ili izvršenje krivičnih djela u vezi sa dječijom pornografijom.

Tužioci Tužilaštva BiH sudjelovali su kao edukatori i predavači na više stručnih skupova i seminara organiziranih od strane Visokog sudskog i tužilačkog vijeća, kao i međunarodnih organizacija (UNDP, EUPM, OSCE itd).

Tužioci sa dugogodišnjim iskustvom u određenim oblastima i predmetima kao što su finansijski kriminal, ratni zločini, krivična djela krijumčarenja ljudi i trgovine ljudima, terorizma i organiziranog kriminala, svojim kolegama iz policijskih i pravosudnih institucija prenosili su korisna saznanja i iskustva stečena dugogodišnjim radom na predmetima.

Navode se neke od konferencija, sastanaka ili obuka u kojima su sudjelovali tužioci ili stručno osoblje Tužilaštva Bosne i Hercegovine u periodu obuhvaćenom ovom informacijom kako slijedi:

- ✓ Konferencija tužilaca za Ratne zločine – Brisel;
- ✓ 6. sastanak tužilačke mreže Jugoistočne Evrope – Regionalni projekt PROSECO - Zagreb;
- ✓ 1. Sastanak EUROPOL-a ekspertna grupa predstavnika Zapadnog Balkana i Turske za borbu protiv krivotvorenja novca – Hag;
- ✓ Seminar „Trgovina ljudima“ – Banja Luka;
- ✓ Konferencija u okviru NATO Programa „Building Integrity And Reducing Corruption In Security Sector“ - Zagreb;

- ✓ PROSECO projekat-Savjetovanje-Portugal;
- ✓ Edukacija iz oblasti intelektualnog prava vlasništva USA-Washington DC;
- ✓ 12. Međunarodni forum javnih tužilaca-Salzburg;
- ✓ Međunarodna konferencija „Kreiranje uslova za ekonomski i socijalni razvoj u Istočnoj Evropi i Centralnoj Aziji: Borba protiv korupcije i unapređenje dobrog upravljanja“ – Kazahstan;
- ✓ PROSECO projekt-Regionalna konferencija o Drugom dodatnom protokolu Evropske konvencije o međusobnom pružanju pravne pomoći u krivičnim stvarima CETS 182 - Albanija-Tirana;
- ✓ Konferencija SECI Centar „Problematika organizovanog kriminala“ – Rumunija-Bukurešt;
- ✓ Konferencija ministarstava „Suočavanje sa izazovima organizovanog kriminala i teškim zločinima na području Zapadnog Balkana“ - Beograd;
- ✓ Seminar „Maloljetnička delikvencija“ – Banja Luka 2009. godine;
- ✓ Forum glasnogovornika agencija za provođenje zakona-Međugorje;
- ✓ Borba protiv terorizma, pranja novca i finansiranja terorizma-Banja Luka;
- ✓ Podrška tužiocima Jugoistočne Evrope-Skoplje;
- ✓ Drugo stručno savjetovanje tužilaca FBiH-Neum;
- ✓ Podrška tužiocima Jugoistočne Evrope-PROSECO-Austrija;
- ✓ Plenarni sastanak Konsultativnog savjeta evropskih tužilaca-Ljubljana;
- ✓ Okrugli sto: „Uticaj međunarodnih krivičnih sudova na postupke pred nacionalnim sudovima“-Beograd;
- ✓ Jačanje kapaciteta za istrage presjecanje aktivnosti trgovine ljudima Zapadni Balkan-Turska;
- ✓ Upostavljanje psiho-socijalne podrške za svjedoke i žrtve u predmetima Ratnog zločina – Jahorina;
- ✓ Radna grupa institucija BiH za sprečavanje pranja novca i finan. terorističkih aktivnosti-Francuska;
- ✓ Podrška procesuiranju Ratnih zločina u BiH-Hag.

4.4. AKTIVNOSTI U OBLASTI ODNOSA S JAVNOŠĆU

U periodu koji je obuhvaćen ovom informacijom Tužilaštvo BiH preduzelo je niz aktivnosti na poboljšanju modaliteta i procedure za što bolju saradnju sa medijima, novinarima, nevladinim organizacijama, domaćim i međunarodnim institucijama, kao i građanima zainteresovanim za određena pitanja iz domena rada Tužilaštva Bosne i Hercegovine.

Jedan od ciljeva ovih aktivnosti bio je stvaranje što boljih uslova za saradnju tužilaštva sa medijima i javnošću, te što brže i efikasnije prosljeđivanje informacija medijima, kao i odgovaranje na novinarske upite u što kraćem roku.

Ovaj cilj je i postignut i vremenski period potreban za dostavljanje određenih informacija sveden je na vrijeme koje je neophodno za prikupljanje istih.

U toku 2009. godine pripremljeno je u pisanoj formi, objavljeno na zvaničnoj internet stranici i medijima prosljeđeno ukupno 249 informacija za medije i saopštenja za javnost. Osim navedenog, u istom periodu zaprimljeno je više stotina pojedinačnih usmenih i pismenih upita novinara vezanih za predmete i rad Tužilaštva Bosne i Hercegovine, na koje je u kratkim rokovima odgovoreno.

Glavni tužilac i njegovi zamjenici, tužioci, kao i portparol Tužilaštva BiH, tokom 2009. godine, dali su više od 50 intervjua za različite štampane i elektronske medije, kao i više desetina medijskih izvjava o pojedinim pitanjima vezanim za rad i predmete Tužilaštva Bosne i Hercegovine.

Tokom 2009. godine izvršeno je i redizajniranje internet stranice Tužilaštva BiH, na koju su postavljeni dodatni sadržaji i linkovi, uključujući i stručne radove i izlaganja tužilaca i stručnog osoblja Tužilaštva BiH na stručnim skupovima i konferencijama vezanim za rad pravosudnih institucija Bosne i Hercegovine, koji su sada dostupni javnosti putem internet stranice Tužilaštva BiH na adresi www.tuzilastvobih.gov.ba.

U 2009. godini, na internet stranici formirana je i foto-galerija, putem koje su javnosti dostupne fotografije sa različitih događaja i zvaničnih posjeta Tužilaštvu BiH.

Putem službene e-mail adrese Tužilaštva BiH, građani i pravne osobe kontaktirali su Tužilaštvo BiH tražeći različite informacije vezane za rad tužilaštva, status pojedinih predmeta i slično i istima je i odgovarano u skladu sa propisima koji regulišu dostupnost informacija.

U vremenskom periodu obuhvaćenom ovom informacijom, poboljšana je i modalitet internog informisanja uposlenika Tužilaštva BiH, putem dnevnih pregleda štampe i izvještavanja medija, koji obuhvataju tematiku vezanu za rad Tužilaštva BiH i pravosudnih institucija, a koji se u elektronskoj formi dostavljaju uposlenicima Tužilaštva BiH.

Provodeći aktivnosti na približavanju rada i rezultata tužilaštva populaciji žrtava ratnih zločina i predstavnicima lokalnih zajednica, predstavnici Tužilaštva BiH su tokom 2009. godine sudjelovali na više okruglih stolova i konferencija, na kojima se predstavnicima lokalnih organa uprave, pravosuđa i udruženjima žrtava prezentirao rad Tužilaštva BiH, odnosno Posebnog odjela za ratne zločine koji se odnosi na određenu lokalnu sredinu u Bosni i Hercegovini.

U toku 2009. godine, radi kvalitetnijeg informisanja javnosti o misiji i radu Posebnog odjela za organizirani kriminal, privredni kriminal i korupciju Tužilaštva BiH, realizovana je informativna kampanja o upoznavanju građana BiH o radu i rezultatima rada na predmetima organiziranog kriminala, privrednog kriminala i korupcije.

Informativna kampanja realizovana je putem štampanih i elektronskih medija, kao i gostovanjima predstavnika tužilaštva u tematskim emisijama i intervjuima u medijima, na temu borbe protiv organiziranog kriminala i korupcije.

Tokom kampanje javnosti su prezentirani i statistički podaci o radu Posebnog odjela za organizirani kriminal, prioritetima u radu i planovima za rad u budućnosti.

Glavni tužilac i predstavnici Tužilaštva BiH sudjelovali su i u informativnim kampanjama o borbi protiv organiziranog kriminala, koje je realizirala Policijska misija Evropske unije (EUPM) u BiH.

Predstavnici Odjela za odnose s javnošću Tužilaštva BiH sudjelovali su na konferencijama i stručnim skupovima usmjerenim na poboljšanje saradnje između Ureda za informisanje i portparola u policijskim, tužilačkim i pravosudnim institucijama u Bosni i Hercegovini.

5. FINANSIJSKI IZVJEŠTAJ TUŽILAŠTVA BiH ZA 2009. GODINU

Odobreni budžet za Tužilaštvo BiH za 2009. godinu iznosio je 8.015.000,00 KM, a struktura odobrenog budžeta bila je:

✓ tekući izdaci	7.844.000,00 KM,
✓ kapitalni izdaci	70.000,00 KM,
✓ program posebne namjene - Udarne grupa za borbu protiv trgovine ljudima i organizirane ilegalne migracije u BiH.....	101.000,00 KM.

Tužilaštvo Bosne i Hercegovine je ostvarilo ukupne troškove u iznosu od 6.315.228 KM ili 79% odobrenog budžeta za 2009. godinu.

U skladu sa instrukcijom, a na osnovu obavještenja od strane Ministarstva finansija i trezora Broj: 01-05/2-02-2-5052-1/09 od 13.07.2009. godine napravljena su umanjjenja – uštede u ukupnom iznosu od 164.190 KM, kako slijedi:

- ✓ bruto plaće su umanjene za iznos od 55.770 KM;
- ✓ naknade troškova uposlenih su umanjene za 65.920 KM ;
- ✓ operativno-materijalni troškovi su umanjeni za iznos od 42.500 KM i to:
 - prevoz i gorivo u iznosu od 7.000 KM;
 - tekuće održavanje u iznosu od 8.000 KM;
 - osiguranje i bankarske usluge u iznosu od 10.000 KM;
 - ugovorene usluge u iznosu od 17.500 KM;

Izvršene korekcije – uštede na operativno–materijalnim troškovima napravljene su na osnovu odluke menadžmenta Tužilaštva BiH kojoj je prethodila sveobuhvatna analiza planiranih i ostvarenih troškova po svim kategorijama.

Uzimajući u obzir umanjjenje – uštede, procenat izvršenja budžeta za Tužilaštvo je 80% .

Sredstva odobrena za Program posebne namjene – Udarne grupa za borbu protiv trgovine ljudima i organizirane ilegalne migracije u BiH trošena su u skladu sa tačkama VIII i XII Odluke o formiranju Udarne grupe za borbu protiv trgovine ljudima i organizirane ilegalne imigracije („Službeni glasnik BiH“, br. 3/04, 103/06) i Odlukom o procedurama i kriterijima za utvrđivanje visine mjesečne naknade za rad članovima Udarne grupe, naknade za angažovanje spoljnih saradnika, te naknade za obavljanje administrativno – tehničkih i računovodstvenih poslova, broj: KTA-UG- 03-1/09 od 15.01.2009. godine.

TABELARNI PREGLED IZVJEŠTAJA OD: 01.01.2009. DO 31.12.2009. GODINE

R.b.	Vrsta prihoda	Ekonom. kod	Budžet za 2009.	Prestrukt.	Budžet po prestrukt.	Realizovano u tekućoj god.	Razlika	Indeks 7/6
1	2	3	4	5	6	7	8	9
I	Tekući izdaci		7.844.000		7.844.000	6.149.332	1.694.668	0,78
1.	Plaće uposlenih	611100	6.266.000		6.266.000	5.069.589	1.196.411	0,81
2.	Naknade troškova uposlenih	611200	823.500		823.500	411.569	411.931	0,50
3.	Putni troškovi	613100	103.300	60.000	163.300	148.542	14.751	0,91
4.	Izdaci za PTT usluge	613200	54.400	10.000	64.400	61.173	3.227	0,95
5.	Izdaci za kom.usl.i energ.	613300	74.000	-9.000	65.000	52.092	12.908	0,80
6.	Nabavka materijala	613400	83.000	33.800	116.865	110.632	6.168	0,95
7.	Izdaci za usl. prevoza i goriva	613500	33.000	-7.300	25.700	18.694	7.006	0,73
8.	Unajmljiv. imovine i opreme	613600						
9.	Izdaci za tekuće održavanje	613700	58.000	-5.000	53.000	43.660	9.340	0,82
10.	Izdaci za osiguranje	613800	25.000	-5.000	20.000	9.982	10.018	0,50
11.	Ugovorene usluge	613900	323.800	-77.500	246.300	224.508	21.792	0,91
II	Kapitalni izdaci		70.000	0	70.000	65.428	4.572	0,93
1.	Nabavka građevina	821200						
2.	Nabavka opreme	821300	70.000		70.000	65.428	4.572	0,93
3.	Nabavka ostalih stalnih sreds.	821400						
4.	Rekonst. i investiciono održ.	821600						
III	UKUPNO:		7.914.000	0	7.914.000	6.215.869	11.698.131	0,79

TABELARNI PREGLED ZA ORGANIZACIJU JEDINICU - UDARNA GRUPA

R.b.	Vrsta prihoda	Ekonom. kod	Budžet za 2009.	Prestrukt.	Budžet po prestrukt.	Realizovano u tekućoj god.	Razlika	Indeks 7/6
1	2	3	4	5	6	7	8	9
1.	Pos.por.za zašt.od prir.i dr.nesr.	611272	500		500	486	14	0,97
2.	Putni troškovi	613110	12.210		12.210	11.764	446	0,96
3.	Izdaci za mobilne telefone	613212	15.842		15.842	11.547	4.295	0,73
4.	Nabavka materijala	613400	1.421		1.421	980	441	0,69
5.	Prevoz i gorivo	613500			0			
6.	Ugovorene usluge	613915	86.871		86.871	59.524	27.347	0,69
7.	Kapitalni izdaci	821000	10.000		10.000	9.822	178	0,98
IV	U K U P N O :		126.844		126.844	94.123	32.721	0,74
V	UKUPNO BUDŽET:		8.712.384		8.712.384	5.917.459	2.794.925	0,68

PREGLED UKUPNOG IZVRŠENJA BUDŽETA SA 31.12.2009. GODINE

R.b.	Vrsta prihoda	Ekonom. kod	Budžet za 2008.	Prestrukt.	Budžet po prestrukt.	Realizovano u tekućoj god.	Razlika	Indeks 7/6
1	2	3	4	5	6	7	8	9
I	Tekući izdaci		7.940.000		7.940.000	6.244.829	1.695.371	0,79
1.	Plaće zaposlenih	611100	6.266.000		6.266.000	5.069.589	1.194.411	0,81
2.	Naknade troškova zaposlenih	611200	823.500		823.500	412.055	412.145	0,50
3.	Putni troškovi	613100	107.000	60.000	167.000	151.846	14.854	0,91
4.	Izdaci za PTT usluge	613200	66.000	10.000	77.000	74.727	3.347	0,96
5.	Izdaci za kom.usl.i energ.	613300	74.000	-9.000	65.000	52.092	12.908	0,80
6.	Nabavka materijala	613400	83.000	33.800	116.865	110.632	6.168	0,95
7.	Izdaci za usl. prevoza i goriva	613500	33.000	-7.300	25.700	18.694	7.006	0,73
8.	Unajmljivanje imovine i opreme	613600						
9.	Izdaci za tekuće održavanje	613700	58.000	-5.000	53.000	43.660	9.340	0,82
10.	Izdaci za osiguranje	613800	25.000	-5.000	20.000	9.982	10.018	0,50
11.	Ugovorene usluge	613900	404.700	-77.500	327.000	302.661	21.540	0,93
II	Kapitalni izdaci		75.000		75.000	70.399	4.601	0,94
III	UKUPNO		8.712.384		8.015.000	6.316.336	1.698.664	0,79

6. PLANIRANJE BUDŽETA ZA 2010. GODINU

Tužilaštvo Bosne i Hercegovine je napravilo projekciju budžeta za 2010. godinu, te su tražena sredstva u ukupnom iznosu od **6.843.000 ,00 KM** i aneksom iznos od **1.570.435,00 KM**, namijenjen zapošljavanju domaćih tužilaca u slučaju odlaska stranih tužilaca iz Tužilaštva BiH, što ukupno iznosi **8.413.435,00 KM**.

Budžet za 2010. godinu rađen je krajnje restriktivno, uz maksimalnu racionalizaciju svih izdataka i odražava stvarno stanje i procijenjene realne potrebe Tužilaštva za budžetskim sredstvima u 2010. godini.

Pri izradi projekcije budžeta prisutan je krajnje restriktivan pristup prilikom utvrđivanja pojedinih kategorija troškova, vodeći računa o izvršenju budžeta za 2009. godinu i planiranim parametrima u smjeru daljnjeg razvoja i nastavka započetog procesa reforme ove institucije u narednom periodu.

Povećanje budžeta je rezultat:

- ✓ povećanja broja uposlenih (prenos nadležnosti sa Ureda registrara - prijem u radni odnos domaćih tužilaca, stručnih savjetnika, saradnika i administrativnih djelatnika) što se direktno reflektovalo na poziciju plaće i naknade troškova uposlenih i za posljedicu imalo srazmjerno povećanje materijalnih troškova.

Plaće su korektno i precizno izračunate, u skladu sa :

- ✓ Zakonom o plaćama i drugim naknadama u sudskim i tužilačkim institucijama na nivou BiH;
- ✓ Zakonom o plaćama i naknadama u institucijama BiH („Službeni glasnik BiH“ broj 50/08)

Materijalni troškovi su projicirani na bazi historijskog troška koji je uvećan srazmjerno povećanju broja uposlenika u Tužilaštvu BiH.

Predviđen broj uposlenika je 205 /u ovu cifru uračunato je i zamjensko domaće osoblje u slučaju odlaska stranih tužilaca/, od kojih je 40 tužilaca i ukupno 165 djelatnika (stručni savjetnici, stručni saradnici i administrativni djelatnici), pri čemu su korišteni iskustveni normativi koji prate ovu vrstu djelatnosti.

Pozicija ugovorene usluge rezultat je stvarnih potreba, a odnosi se na enormno povećanje broja i složenosti predmeta, kao i primjene ZKP-u po kome tužilaštva imaju plaćati sve troškove koje stvore od početka primjene ZKP-u.

U okviru ukupne projekcije budžeta za 2010. godinu za potrebe rada Udarne grupe za borbu protiv trgovine ljudima i ilegalne imigracije u BiH predviđeni su troškovi u ukupnom iznosu od 99.900,00 KM.

Navedene činjenice su relevantni pokazatelji da traženi iznos budžeta predstavlja stvarno stanje i realne potrebe za neometan rad Tužilaštva BiH u slijedećoj godini, i da bi svako, pa i minimalno, umanjenje budžeta dovelo do neprocjenjivih negativnih reperkusija na rad ove institucije.

7. PRIJEDLOZI AKTIVNOSTI ZA EFIKASNIJI RAD U NAREDNOM PERIODU

7.1. UVOD I POSTAVLJENI CILJEVI

Iako je niz planiranih aktivnosti poduzet u toku 2009. godine i dao određene rezultate u stvaranju institucije sposobne da u potpunosti ostvaruje svoju funkciju u tom pravcu treba i dalje djelovati.

Krajnji cilj i dalje je efikasna institucija sposobna da u cjelosti izvršava poslove iz svoje nadležnosti i pri tome obezbjeđuje poštovanje ljudskih prava i zakonitosti na teritoriji Bosne i Hercegovine, efikasno suzbijanje kriminaliteta i uopće jačanje vladavine prava.

U namjeri što efikasnijeg vršenja poslova iz svoje nadležnosti i postizanja boljih rezultata, Tužilaštvo Bosne i Hercegovine u narednom periodu kontinuirano će se zalagati za ostvarenje slijedećih ciljeva:

- ✓ stvaranje boljeg zakonskog okvira za djelovanje,
- ✓ efikasno otkrivanje i procesuiranje počinitelja krivičnih djela u okvirima propisane nadležnosti,
- ✓ unapređenje kvaliteta rada i profesionalnosti tužilaca i ostalih uposlenika,
- ✓ unapređenje saradnje sa agencijama za provođenje zakona, regionalne saradnje i saradnje na međunarodnom planu,
- ✓ unapređenje u kadrovskom i organizacionom smislu, sa posebnim osvrtom na smanjenje učešća međunarodnih tužilaca i drugog međunarodnog osoblja u radu Tužilaštva BiH,
- ✓ osiguranje materijalno-finansijskih uslova za nesmetan rad,
- ✓ uvođenje i primjenu novih tehnoloških dostignuća.
- ✓ unapređenje odnosa s javnošću i uopće transparentnosti rada kroz pružanje informacija neophodnih za rad drugih institucija.

7.2. STVARANJE BOLJEG ZAKONSKOG OKVIRA ZA DJELOVANJE

U cilju stvaranja boljeg zakonskog okvira za djelovanje Tužilaštvo BiH angažovat će se kroz slijedeće aktivnosti:

- ✓ kontinuirano pratiti zakonske propise kojima se reguliše rad Tužilaštva i po potrebi inicirati izmjene i dopune istih,
- ✓ aktivno sudjelovati kod predlaganja i izmjene zakonskih i drugih propisa kojima se reguliše policijski sistem u Bosni i Hercegovini,

- ✓ aktivno sudjelovati u procesu uspostavljanja efikasnih mehanizama i procedura za oduzimanje nezakonito stečene koristi, te racionalnog upravljanja i raspolaganja oduzetom imovinom, uključujući aktivno sudjelovanje kod predlaganja i izmjene zakonskih i drugih propisa koji uređuju ovu oblast,
- ✓ aktivno sudjelovati u radu raznih radnih grupa, timova i slično za praćenje primjene postojećih propisa u oblasti krivičnog prava, predlaganje njihovih izmjena i dopuna kada se za istim ukaže potreba, kao i predlaganje potpuno novih propisa značajnih za regulisanje oblasti krivičnog prava,
- ✓ zajedno sa Ministarstvom pravde BiH aktivno sudjelovati u predlaganju izmjena i dopuna zakona kao posljedica međunarodnih obaveza BiH preuzetih međunarodnim multilateralnim i bilateralnim ugovorima.

7.3. EFIKASNO OTKRIVANJE I PROCESUIRANJE POČINILACA KRIVIČNIH DJELA U OKVIRIMA PROPISANE NADLEŽNOSTI

U cilju otkrivanja i procesuiranja počinilaca krivičnih djela iz svoje nadležnosti Tužilaštvo BiH angažovat će se kroz slijedeće aktivnosti:

- ✓ izvršiti popis krivičnih predmeta u svim tužilačkim odjelima,
- ✓ izvršiti novu raspodjelu predmeta između odjela i tužilaca u odjelima,
- ✓ rješavati stare predmete prema utvrđenom planu u kome će se prioritet dati značajnijim predmetima posmatrano sa raznih aspekata,
- ✓ povećati broj istraga i optužnica za najteža krivična djela,
- ✓ unaprijediti timski rad, posebno prilikom procesuiranja najtežih krivičnih djela,
- ✓ implementirati Državnu strategiju za rješavanje predmeta ratnih zločina i ostvariti značajnu ulogu u implementaciji iste shodno zaključcima Vanredne konferencije glavnih tužilaca u Bosni i Hercegovini o procesuiranju predmeta ratnih zločina,
- ✓ aktivno sudjelovati u kreiranju politike kriminaliteta u Bosni i Hercegovini, između ostalog i kroz sudjelovanje u radu Udarne grupe za borbu protiv trgovine ljudima i organizirane ilegalne imigracije i Udarne grupe za borbu protiv terorizma i jačanja sposobnosti za borbu protiv terorizma, između ostalog za borbu protiv organiziranog kriminala, korupcije i terorizma,
- ✓ aktivno sudjelovati na unapređenju kreiranja krivične politike Suda Bosne i Hercegovine kroz povećan broj uložених žalbi, te kreiranja zajedničkih smjernica vezano za sankcije prilikom sklapanja sporazuma, imajući u vidu praksu Suda Bosne i Hercegovine i krivičnu politiku nakon održanih glavnih pretresa, koja će biti osnov za predlaganje sankcija prilikom sklapanja sporazuma.

7.4. UNAPREĐENJE KVALITETA RADA I PROFESIONALNOSTI TUŽILACA I DRUGIH UPOSLENIKA

U cilju unapređenja kvaliteta rada i profesionalnosti tužilaca i drugih uposlenika Tužilaštvo BiH angažovat će se kroz slijedeće aktivnosti:

- ✓ kontinuirano primjenjivati visoke profesionalne standarde,
- ✓ kontinuirano raditi na edukaciji kroz centre za edukaciju,
- ✓ aktivno sudjelovati u kreiranju edukacijskih seminara predlaganjem određenih aktuelnih tema,
- ✓ selektivno sudjelovati na seminarima u organizaciji raznih državnih ustanova i institucija, te nevladinih organizacija,
- ✓ organizovati interne edukacije,
- ✓ uspostavi redovnijeg educiranja ostalih uposlenih,
- ✓ inicirati poboljšanja u sistemu ocjenjivanja tužilaca i poboljšati sistem ocjenjivanja rada drugih uposlenika.

7.5. UNAPREĐENJE SARADNJE SA AGENCIJAMA ZA PROVOĐENJE ZAKONA, REGIONALNE SARADNJE I SARADNJE NA MEĐUNARODNOM PLANU

U cilju unapređenja saradnje sa agencijama za provođenje zakona, regionalne saradnje i saradnje na međunarodnom planu Tužilaštvo BiH angažovat će se kroz slijedeće aktivnosti:

- ✓ aktivno sudjelovati u koordinaciji aktivnosti svih agencija za provođenje zakona na teritoriji Bosne i Hercegovine u cilju otkrivanja i suzbijanja najtežih krivičnih djela,
- ✓ obezbijediti potpunu primjenu usvojenih podzakonskih akata koji su proizašli iz učešća u projektu “Uspostava boljih mehanizama saradnje između policije i tužilaštava”,
- ✓ aktivno sudjelovati u saradnji sa tužilaštvima u zemljama regije i šire primjenom međunarodnih multilateralnih i bilateralnih ugovora o saradnji,
- ✓ kontinuirano analizirati rezultate saradnje u sveobuhvatnoj borbi na sprječavanju i suzbijanju kriminala,
- ✓ inicirati uspostavljanje novih mehanizama za saradnju uz unapređenje postojećih,
- ✓ nastaviti učešće u tužilačkim asocijacijama Evrope i regije (SEEPAG, SECI, CPGE, EUROJUST, EUROPOL i druge).

7.6. UNAPREĐENJE U KADROVSKOM I ORGANIZACIONOM SMISLU

U cilju unapređenja u kadrovskom i organizacionom smislu Tužilaštvo BiH angažovat će se kroz slijedeće aktivnosti:

- ✓ izgrađivati efikasne kapacitete u organizacionom smislu sa ciljem unapređenja rada,
- ✓ donijeti novi Pravilnik o unutrašnjoj organizaciji prilagođen promjenama koje proizlaze iz Zakona o izmjenama i dopunama Zakona o Tužilaštvu BiH donesenim u decembru 2009. godine, posljedicama tranzicije osoblja Ureda registrara u Tužilaštvo BiH, stvarnom stanju i potrebama za naredni period,
- ✓ donijeti interne pravilnike o unutrašnjoj organizaciji tužilačkih odjela,
- ✓ kontinuirano pratiti zakonske propise kojima se reguliše rad Tužilaštva i usklađivati interne akte sa izmjenama i dopunama istih,
- ✓ donijeti nove i raditi na potrebnim izmjenama i dopunama postojećih internih akata kojima se reguliše rad Tužilaštva,
- ✓ angažovati se na povećanju broja tužilaca i imenovanju potrebnih tužilaca kroz stalne kontakte u tom smislu sa VSTV-om BiH,
- ✓ unaprijediti rad cjelokupnog Tužilaštva kroz kadrovsko popunjavanje, s akcentom na visokostručno osoblje i osoblje stručne podrške,
- ✓ kadrovski popuniti i reorganizirati administrativnu podršku ostvarivanju osnovne funkcije Tužilaštva,
- ✓ unaprijediti koordinacije u radu svih odjela Tužilaštva uz konstantne napore usmjerene ka povećanju motivisanosti svih uposlenih u obavljanju svojih poslova.

7.7. OSIGURANJE MATERIJALNO-FINANSIJSKIH USLOVA ZA NESMETAN RAD

U cilju osiguranja materijalno-finansijskih uslova za nesmetan rad, Tužilaštvo BiH angažovat će se kroz slijedeće aktivnosti:

- ✓ planirati materijalna i finansijska sredstva za nesmetan rad Tužilaštva u okviru zakonom propisanih nadležnosti i postavljenih ciljeva primjenjujući pravila programskog planiranja,
- ✓ u granicama svojih mogućnosti preduzimati aktivnosti u cilju osiguranja potrebnih materijalnih i finansijskih sredstava za nesmetan rad Tužilaštva,
- ✓ aktivno sudjelovati sa drugim nadležnim institucijama u osiguranju povećanja prostornih kapaciteta.

7.8. UVOĐENJE I PRIMJENA NOVIH TEHNOLOŠKIH DOSTIGNUĆA

U cilju uvođenja i primjene novih tehnoloških dostignuća Tužilaštvo BiH angažovat će se kroz slijedeće aktivnosti:

- ✓ u rad Tužilaštva uvesti sistem za automatsku obradu i upravljanje predmetima u cilju poboljšanja efikasnosti i ekonomičnosti u radu,
- ✓ primjenjivati pravila i procedure u vezi sa korištenjem IT tehnologija, koristiti internet i elektronsku poštu u svakodnevnom radu u cilju unapređenja protoka informacija,
- ✓ razvijati sistem elektronskog pohranjivanja i čuvanja dokaza i drugih materijala u krivičnom postupku,
- ✓ koristiti analitički software-a za analizu dokaza i drugih materijala, te izradu analitičkih i kriminalističko-obavještajnih izvještaja.

7.9. UNAPREĐENJE ODNOSA S JAVNOŠĆU I UOPĆE TRANSPARENTNOSTI RADA KROZ PRUŽANJE INFORMACIJA NEOPHODNIH ZA RAD DRUGIH INSTITUCIJA

U cilju unapređenja odnosa s javnošću i uopće transparentnosti rada kroz pružanje informacija neophodnih za rad drugih institucija Tužilaštvo BiH angažovat će se kroz slijedeće aktivnosti:


- ✓ podizati svijest javnosti putem sredstava javnog informisanja o ulozi i nadležnostima Tužilaštva,
- ✓ podizati svijest javnosti o načinima na koji oni mogu doprinijeti efikasnijem radu Tužilaštva BiH,
- ✓ redovno izvještavati o postignutim rezultatima u radu i stanju kriminaliteta,
- ✓ olakšavati pristup javnim dokumentima i informacijama u posjedu Tužilaštva, a naročito putem Internet stranice Tužilaštva,
- ✓ unapređivati saradnju sa sredstvima javnog informisanja preko Odjela za odnose s javnošću i saradnju ostalih odjela Tužilaštva sa Odjelom za odnose s javnošću radi pružanja što kvalitetnije informacije,
- ✓ poboljšati saradnju između Odjela za odnose s javnošću policijskih i pravosudnih institucija u Bosni i Hercegovini radi kvalitetnije koordinacije i pružanja informacija prilikom zajedničkih akcija,
- ✓ aktivnije se angažovati na pojašnjavanju problema u oblasti kriminaliteta, u cilju bolje percepcije javnosti o ulozi i radu Tužilaštva BiH, te problemima sa kojima se susreće Tužilaštvo BiH u otkrivanju i krivičnom gonjenju počinitelja krivičnih djela iz nadležnosti Suda Bosne i Hercegovine,
- ✓ educirati građane putem medija, predavanja i slično o njihovim pravima u ovoj oblasti,
- ✓ redovno pratiti javno mnijenje i analizirati rezultate preduzetih aktivnosti,
- ✓ u granicama postavljenim propisima drugim institucija omogućavati pristup informacijama koje su im potrebne za njihov rad.

8. STANJE KRIMINALITETA U BOSNI I HERCEGOVINI


U daljnjem dijelu informacije mogu se vidjeti prikazi stanja kriminaliteta u Bosni i Hercegovini:

- ✓ Stanje kriminaliteta u Tužilaštvu Bosne i Hercegovine za 2009. godinu
- ✓ Stanje kriminaliteta u kantonalnim tužilaštvima Federacije BiH za 2009. godinu
- ✓ Stanje kriminaliteta u okružnim tužilaštvima Republike Srpske za 2009. godinu
- ✓ Stanje kriminaliteta u Javnom tužilaštvu Brčko Distrikt za 2009. godinu
- ✓ Stanje kriminaliteta u svim tužilaštvima u Bosni i Hercegovini, poređenje 2006-2007-2008-2009.


1. STANJE KRIMINALITETA U TUŽILAŠTVU BOSNE I HERCEGOVINE ZA 2009. GODINU




2. STANJE KRIMINALITETA U KANTONALNIM TUŽILAŠTVIMA FEDERACIJE BIH ZA 2009. GODINU



3. STANJE KRIMINALITETA U OKRUŽNIM TUŽILAŠTVIMA REPUBLIKE SRPSKE ZA 2009. GODINU



4. STANJE KRIMINALITETA U JAVNOM TUŽILAŠTVU BRČKO DISTRIKT ZA 2009. GODINU



5. STANJE KRIMINALITETA U SVIM TUŽILAŠTVIMA U BOSNI I HERCEGOVINI, POREĐENJE 2006-2007-2008-2009

